


C40
4514
158




C40-4574

了翁上座請大猷及有  
家書畀之武州紫雲山  
我微爲瑤院直府字永  
為學者不敵詩  
當山二世鐵牛松謹誌



B 64853



徑山化城恒編梓



阿毗曇八健度論序

晉 釋 道 安 述

阿毗曇者秦言大法也衆祐有所見道果之至曠擬  
 性形容執乎真像謂之大也有以道慧之至齊觀如  
 司南察乎一相謂之法故曰大法也中阿含世尊責  
 優陀耶曰汝詰阿毗曇乎夫然佛以身子五法爲大  
 阿毗曇也戒定慧名無漏也佛般涅槃後迦旃延義第一以十  
 部經浩博難究撰其大法爲一部八健度四十四品  
 也其爲經也富莫上焉邃莫加焉要道無行而不由  
 可不謂之富乎至德無妙而不出可不謂之邃乎富

阿

阿

述

述

邃浴備故故能微顯闡幽也其說智也周其說根也  
密其說禪也悉其說道也具周則二八用各適時密  
則二十迭爲賓主悉則味淨遍遊其門具則利鈍各  
別其所以故爲高座者所咨嗟三藏者所鼓舞也其  
身毒來諸沙門莫不祖述此經憲章鞞婆沙詠歌有  
餘味者也然乃在大荒之外葱嶺之表雖欲從之未  
由見也以建元十九年罽賓沙門僧伽提婆誦此經  
甚利來詣長安比丘釋法和請令出之佛念譯傳慧  
力僧茂筆受和理其指歸自四月二十日出至十月  
二十二日乃訖其日檢校譯人頗雜義辭龍蛇同淵

金鑰其肆者救救如也和憮然恨之余亦深謂不可  
遂令更出夙夜匪解四十六日而得盡定損可損者  
四卷焉至於事須懸解起盡之處皆爲細其下梵本  
十五千七十二首盧四十八萬一千五百四言秦言十九萬五千  
二百五十言其人忘因緣一品云言數可與十門等  
也周攬斯經有碩人所尚者二焉以高座者尚其博  
以盡漏者尚其要以研幾者尚其密密者龍象翹鼻  
鳴不造耳非人中之至恬其孰能與於此也要者八  
忍九斷巨細畢載非人中之至練其孰能致於此也  
博者衆微衆妙六八曲備非人中之至懿其孰能綜

於此也其將來諸學者遊槃於其中何求而不得乎

阿毗曇八捷度論卷第一

迦 旃 延 子 造

符秦罽賓三藏僧伽提婆甚恭佛念譯

雜結使智行 四大根定見

雜捷度第一之一

世間第一法 智人愛恭敬 無慚色無義

思品最在後

世間第一法跋渠第一

云何世間第一法何以故言世間第一法世間第一

法何等繫當言欲界繫耶色界繫耶無色界繫耶世

間第一法當言有覺有觀耶無覺有觀耶無覺無觀耶世間第一法當言樂根相應耶喜根護根相應耶世間第一法當言一心耶當言衆多心耶世間第一法當言退耶不退耶云何頂云何頂墮云何暖此二十身見幾我見我見有幾見若無常有常見於此五見是何等見何等諦斷此見若有常無常見若苦樂見若樂苦見若不淨淨見若淨不淨見若無我有我見若無因有因見若有因無因見若有無見若無有見於此五見是何等見何等諦斷此見此章義願具演說云何世間第一法答曰諸心心法次第越次取

證此謂世間第一法次有說者於諸五根次第越次取證此謂世間第一法如我義諸心心法次第越次取證是謂世間第一法以何等故言世間第一法答曰如此心心法諸餘世間心心法爲上爲最無能及者故名世間第一法復次此心心法捨凡夫事得聖法捨邪事得正法於正法中越次取證以是故言世間第一法世間第一法何等繫當言欲界色界無色界繫耶答曰世間第一法當言色界繫非欲界非無色界以何等故世間第一法不當言欲界繫答曰不以欲界道得斷蓋纏亦不能除欲界結乃以色界道

得斷蓋纏亦能除欲界結若以欲界道得斷蓋纏亦能除欲界結如是世間第一法當言欲界繫但不以欲界道得斷蓋纏亦不能除欲界結乃以色界道得斷蓋纏亦能除欲界結以是故世間第一法不當言欲界繫以何等故世間第一法不當言無色界繫答曰於等法中越次取證先從欲界於苦思苦後色無色界同也若聖道起先辦欲界事後色無色界同也設於等法中越次取證先無色界於苦思苦後欲色界同也若聖道起先辦無色界事後欲色界同也如是世間第一法不當言無色界繫但等法中越次取

證先從欲界於苦思苦後色無色界同也若聖道起先辦欲界事後色無色界同也以是故世間第一法不當言無色界繫復次入無色定除去色想不以無色想分別欲界如緣苦法忍亦緣世間第一法世間第一法當言有覺有觀耶無覺有觀耶無覺無觀耶答曰世間第一法或有覺有觀或無覺有觀或無覺無觀云何有覺有觀乎答曰依有覺有觀三昧得世間第一法此謂有覺有觀云何無覺有觀乎答曰依無覺有觀三昧得世間第一法此謂無覺有觀也云何無覺無觀乎答曰依無覺無觀三昧得世間第一

法此謂無覺無觀世間第一法當言樂根相應耶喜  
根護根相應耶答曰世間第一法或樂根相應或喜  
根相應或護根相應云何樂根相應乎答曰依第三  
禪得世間第一法此謂樂根相應云何喜根相應乎  
答曰依第一第二禪得世間第一法此謂喜根相應  
云何護根相應答曰依未來禪依禪中間依第四禪  
得世間第一法此謂護根相應世間第一法當言一  
心爲衆多心耶答曰世間第一法當言一心非衆多  
心以何等故世間第一法一心非衆多心乎答曰若  
世間第一法中間不起餘世間法唯有無漏若當起

者若小若等若妙設使小者不越次取證以何等故  
不以退道於等法中越次取證若當等者亦不越次  
取證以何等故本不以此道越次取證若當妙者彼  
本心心所念法此非世間第一法若後心心所念法  
此是世間第一法也世間第一法當言退耶不退耶  
答曰世間第一法不退也以何等故世間第一法不  
退乎答曰世間第一法諦順諦滿諦辦無空缺處無  
所有不起若干心不得思惟譬如士夫度水度山谷  
坂若險難處正身不廻身未到頃正意必到世間第  
一法亦復如是諦順諦滿諦辦無空缺處無所有不

起若于心不得思惟譬如五大駛水一爲恒迦二爲  
檐扶那三爲薩牢四爲伊羅跋提五爲摩醯盡趣大  
海無能斷流無能障者盡趣大海海滿海辦世間第  
一法亦復如是諦順諦滿諦辦無空缺處無所有不  
起若干心不得思惟復次世間第一法苦法忍中間  
彼無有一法疾於心者當於爾時無能制者不得思  
惟以是故世間第一法當言不退云何頂法云何頂  
法退答曰譬如漏一刻頃歡喜向佛法僧如世尊言  
與十六婆羅門說諸摩那如漏一刻頃歡喜向佛法  
僧此謂頂法云何頂法退答曰已得頂法若命終已

退不復現如有一人與善知識相得從其聞法思惟  
內校計信有佛道好法順僧色無常痛想行識無常  
信思惟苦習盡道彼或於餘時不得善知識不聞法  
不思惟內校計於世俗信退此謂頂法退云何暖法  
乎答曰於正法中起慈歡喜如世尊說馬師比丘滿  
宿比丘此二癡人於我法中無有毫釐暖法此二十  
身見幾見是我見我所見有幾見答曰五是我見十  
五是我所見云何五我見乎答曰色我見痛想行識  
我見此謂五我見也云何十五我所見乎答曰色我  
有見我中色色中我痛想行識有我見我中識識中

我此謂十五我所見也若無常有常見是邊見苦諦所斷有常無常見是邪邪見盡諦所斷苦有樂見以惡法爲最此名見盜苦諦所斷樂有苦見是邪邪見盡諦所斷不淨有淨見以惡法爲最此是見盜苦諦所斷淨有不淨見是邪邪見或盡諦斷或道諦斷若盡觀不淨此邪邪見盡諦所斷若道觀不淨此邪邪見道諦所斷無我有我見是身邪邪見苦諦所斷有因無因見是邪邪見習諦所斷無因有因見無作因作此戒盜苦諦所斷若有而言無見是邪邪見或苦諦斷或習諦斷或盡諦斷或道諦斷若言無苦此邪

邪見苦諦所斷若言無習盡道此邪邪見習盡道斷若無而言有見此非見此邪邪智

世間第一法跋渠竟梵本五百二十

入首  
盧

### 智跋渠第二

頗有一智知一切法乎頗有一識識一切法乎頗有二心展轉相因乎頗有二心展轉相緣乎以何等故一人前後二心不俱生乎若人不可得亦無前心而就後心以何等故憶本所作以何等故憶識彊記以何等故憶而不憶以何等故祭祀餓鬼則得祭祀餘處不得當言一眼見色耶二眼見色耶耳聲鼻香亦

復如是諸過去者一切無現耶若無現者一切過去  
乎諸過去者一切盡耶若盡者一切過去乎諸過去  
者一切没乎若没者一切過去耶若苦生疑是苦非  
苦耶當言一心爲衆多心若習盡道生疑是道非道  
耶當言一心爲衆多心乎頗有一心有疑無疑乎云  
何名身云何句身云何味身有佛世尊告諸弟子汝  
等癡人此義云何以何等故佛世尊告諸弟子汝  
癡人乎有六因相應因共有因自然因一切遍因報  
因所作因云何相應因云何共有因云何自然因云  
何一切遍因云何報因云何所作因若心使俱諸使

心俱彼使此心所使耶設使心所使此心俱使彼使  
此心俱使耶若心使俱諸使心俱彼使此心當斷耶  
設使心當斷此心俱使彼使此心俱斷耶滅因識云  
何滅因識滅因識幾使所使此章義願具演說頗有  
一智知一切法乎答曰無也若此智生一切諸法無  
我此何所不知乎答曰不知自然不知共有法不知  
相應法也頗有一識識諸法乎答曰無也若此識生  
一切諸法無我此何所不達答曰不識自然不識共  
有法不識相應法頗有二心展轉相因乎答曰無也  
此非一人若前未來俱生二心非未來心與前心因

五言  
四明學人檢房寫  
九  
采一  
頗有二心展轉相緣乎答曰有若一思惟無當來生  
心彼當念時便生二心若思惟有當來生心彼當念  
時便生二心若念無當來道生心彼當念時便生二  
心若念有當來道生心彼當念時便生二心若二有  
知他人心展轉心作緣以何等故一人前後二心不  
俱生答曰無有第二次第緣衆生一一心轉如人不  
可得空也前心不往後心云何憶本所作答曰衆生  
法中得如此智憶本所作譬如刻印作字有所印處  
知字則現亦知他所作已所作亦自知彼亦不從來  
問我亦不從往問汝作何字彼亦不答我作是字如

印所作字自知作字自所作亦知他人所作亦知如  
是衆生法隨所作則知所作法亦知譬如有兩人知  
他人意各各相因心彼一不從二問汝云何相因彼  
亦不作是答我作如是因緣亦知他人意法得如是  
意各各相因如是衆生法得如是智隨前法則知復  
次一切心所念法定有因緣及修意所作有力意常  
不忘失以何等故憶而復憶答曰衆生之法心自然  
廻彼次第智生修意力强專意不忘以何等故憶而  
不憶答曰衆生之法意不自廻彼不次第智生意漸  
漸微亦常多忘以何等故祭祀餓鬼則到非餘處也

答曰此道自爾生入處法受身分爾是故得到譬如  
鳥鴛鴦鴈鶴孔雀鸚鵡千秋共命鳥能飛虛空然鳥  
不神於人不大於人神力不能勝人德不能大人法  
自應爾生彼受身而飛行譬如一泥犂一畜生道一  
餓鬼界皆識宿命亦知他意亦能雷電興雲風雨作  
此種種然不能勝人神不能大人力不能勝人然其  
法自爾生入受身所作便果復次有人長夜行姪如  
是貪如是念如是欲如是思惟彼便取婦生兒爲兒  
取婦爲孫取婦亦作是言我當有兒兒當有兒我死  
後若墮餓鬼復當念我與我搏食彼長夜作如是欲

作如是念作如是貪作是思惟所念便果當言一眼  
見色耶二眼見色耶答曰二眼見色以何等故二眼  
見色答曰如合一眼而視色不淨便起不淨識如開  
兩眼而視色便起淨識如合一眼而視色起淨識如  
開兩眼而視色起不淨識不得作是說兩眼見色但  
合一眼而視色起不淨識開兩眼視色起淨識是故  
兩眼見色如合壞滅沒亦如是耳聲鼻香亦復如是  
諸過去者一切不現耶答曰或過去非不現云何過  
去非不現答曰如優陀耶言一切結過去於園離園  
去於欲不染欲如鍊真金是謂過去非不現云何不

現非過去答曰如有一人乘神足不現或以呪術或藥草此謂不現非過去云何過去亦不現答曰諸行起始起生始生成始成得盡去無現變易過去世過去世攝過去世是爲過去亦不現云何不現過去亦不現答曰除上爾所事諸過去者一切盡乎答曰或過去非盡云何過去非盡答曰如優陀耶言一切結過去於園離園去於欲不染欲如鍊真金此謂過去不盡云何盡不過去答曰如世尊言是謂聖弟子盡地獄畜生餓鬼趣惡道此謂已盡不過去也云何過去盡乎答曰諸行起始起生始生成始成得盡去無現

變易過去世過去世攝過去世是過去亦盡云何非過去非盡答曰除上爾所事復次我今當說結結或過去非盡或盡非過去或過去亦盡或不過去亦不盡云何過去不盡答曰諸過去結不盡有餘不滅不吐此謂過去不盡云何盡不過去乎答曰諸未來結已盡無餘已滅已吐此謂盡不過去云何過去亦盡答曰過去結已盡無餘已滅已吐此謂過去已盡云何不過去亦不盡答曰未來結不盡有餘不滅不吐及現在諸結此謂不過去亦不盡諸過去者盡没乎答曰或過去不没云何過去不没答曰如優陀耶言

一切結過去於園離園去於欲不染欲如鍊真金此謂過去不沒云何沒非過去乎答曰我今當說陞小事如小舍言舍沒街巷器小眼見色言眼沒此謂沒非過去云何過去亦沒答曰諸行起始起生始生成始成得盡去無現變易過去世過去世攝過去世是爲過去亦沒云何非過去亦非沒答曰除上爾所事復次我今當說結或過去非沒或沒非過去或過去亦沒或不過去亦不沒云何過去非沒答曰諸過去結未盡有餘不滅不吐是謂過去非沒云何沒不過去答曰諸未來結已盡無餘已滅已吐是謂沒不過

去云何過去亦沒答曰諸過去結已盡無餘已滅已吐是謂過去亦沒云何不過去亦不沒答曰未來結不盡有餘不滅不吐及現在結是謂不過去亦不沒若苦生疑是苦非苦當言一意耶爲衆多意耶答曰是苦一意無苦二意若習盡道生疑是道非道當言一意耶爲衆多意耶答曰是道一意無道二意頗有一意是疑不疑耶答曰無也於苦有疑於苦無疑非爲苦疑非爲苦無疑於習盡道疑於道無疑非爲道疑非爲道無疑云何名身云何向身云何味身名身云何答曰名者分別語有增數想施設說轉名是爲

名身云何句身答曰如句身得義滿記彼此業世尊亦說

諸惡莫作 諸善奉行 自淨其意 是諸佛教  
諸惡莫作此一句諸善奉行此二句自淨其意此三句是諸佛教此四句如是句義滿記彼此業是謂句身云何味身答曰字身說味身世尊亦說頌是偈相字是味相名是依偈造者偈體如是字說味身是說味身如佛世尊告諸弟子稱言癡人此義云何以何等故佛世尊稱言癡人答曰佛世尊法中不順戒行犯眾過事無果實行故稱癡人復次佛世尊不順教

誠教使順法故稱癡人是佛世尊常訓誨語如今和尚阿闍黎教誨弟子稱言癡人所作非法造不善事佛世尊亦復如是告諸弟子稱曰癡人有六因相應因共有因自然因一切遍因報因所作因云何名相應因答曰痛痛相應法相應因中因痛相應法痛相應因中因想思更樂憶欲解脫念三昧慧慧相應法相應因中因慧相應法慧相應因中因是謂相應因云何共有因答曰心心所念法共有因中因心所念法心共有因中因復次心心所迴身行口行共有因中因復次心心所迴心不相應行共有因中因心所

迴心所迴心不相應行心共有因中因復次共生四大展轉共有因中因是謂共有因因中因展轉相生義云何自然因答曰本生善根後生善根與善根相應法自界自然因中因過去善根未來現在善根與善根相應法自界自然因中因過去現在善根未來善根與善根相應法自界自然因中因無記根亦復如是四痛二五邪見三憍慢四無明一愛  
不善根相應法自然因中因過去現在不善根與不善根相應法自然因中因過去現在不善根與不善根相應法自然因中因是謂自然因

云何一切遍因答曰前生苦諦斷一切遍使後生習盡道思惟斷使與使相應法自界一切遍因中因過去苦諦斷一切遍使未來現在習盡道思惟斷使與使相應法自界一切遍因中因過去現在苦諦斷一切遍使未來習盡道思惟斷使與相應法自界一切遍因中因習諦所斷亦復如是此謂一切遍因云何報因答曰諸心心所念法受報色心心法心不相應行彼心心法此報報因中因復次諸身口行受報色心心法心不相應行是彼身口行此報報因中因復次諸心不相應行受報色心心法心不相應行彼

論  
阿毘達磨攝論卷一  
法  
心不相應行此報報因中因是謂報因云何所作因  
答曰眼緣色生眼識彼眼識眼所作因中因若色彼  
共有法彼相應耳聲耳識鼻香鼻識舌味舌識身細  
滑身識意法意識彼共有法彼相應色法無色法可  
見法不可見法有對法無對法有漏法無漏法有爲  
法無爲法如是諸法所作因除其自然耳鼻舌身意  
緣法生意識彼意識所作因中因若彼法共有法  
彼相應眼色眼識耳聲耳識鼻香鼻識舌味舌識身  
細滑身識彼共有法彼相應色法無色法可見法不  
可見法有對法無對法有漏法無漏法有爲法無爲

法如是諸法所作因中因除其自然是謂所作因若  
心使俱諸使心俱彼使此心所使耶答曰或所使或  
不所使云何所使答曰諸使未盡此所使云何不所  
使答曰諸使盡此不所使設使心所使此心俱使彼  
使此心俱使耶答曰或是彼非餘或是彼是餘云何  
是彼非餘答曰苦智生習智不生若心習諦所斷苦  
諦所斷緣此謂是彼非餘云何是彼是餘答曰人染  
汚心一切彼縛繫此謂是彼是餘若心使俱諸使心  
俱彼使此心當滅耶答曰或滅或不滅云何滅答曰  
諸使於彼緣滅是謂滅云何不滅答曰諸使於彼緣

未盡是謂不滅相應諸使此使何所滅答曰諸使緣滅也如是汝語使緣滅答曰如是若作是語諸使盡諦道諦所斷無漏緣此使何所滅此滅彼滅此事不然如何者語諸使盡諦道諦所斷有漏緣此盡使當言盡設諸使心所斷此斷心俱使彼使此心俱使耶答曰或是彼非餘或是彼是餘云何是彼非餘答曰若心無染思惟所斷此謂是彼非餘云何是彼是餘答曰若心有染此謂是彼是餘盡緣識云何答曰苦智生習智未生若心習諦所斷苦諦所斷緣是謂盡緣識彼識幾使所使答曰十九一心耶不也欲愛未緣識彼識幾使所使答曰十九一心耶不也欲愛未

盡苦智生習智未生若欲界心習諦所斷苦諦所斷緣是謂盡緣識此識幾使所使答曰欲界習諦所斷七欲愛盡色愛未盡苦智生習智未生若色界心習諦所斷苦諦所斷緣是謂盡緣識彼識有幾使所使答曰色界習諦所斷六色愛盡無色愛未盡若苦智生習智未生若無色界心習諦所斷苦諦所斷緣此謂盡緣識彼識幾使所使答曰無色界習諦所斷六

第二智跋渠竟梵本二百三十首盧長二十字

阿毗曇八犍度論卷第一

音釋

論

阿毗曇八犍度論卷第一

七

影一

曠一革切

健度

梵語也此云法聚健渠馬切

鞞

頰眉切

罽賓

梵語也此

云賤種屬

鋤

他侯切

懽

罔甫切

研

倪堅切

翹

祈堯切

居例切

恬

徒兼切

綜

子宋切

坂

通遠切

駛

爽士切

切

羗

鄰知切

搏

徒官切

陞

胡夾切

也

今

吳江居士葉紹願捐貲刻此

阿毗曇八健度論卷第一

計字六千四百三

十六箇

該銀三兩二錢一分八厘

浮山

釋在定對

上元于從龍書上元方延祥刻

崇禎辛巳孟秋月吳江接待寺識

阿毗曇八健度論卷第二

迦 迦 延 子 造

符秦罽賓三藏僧伽提婆慈愍佛念譯

雜健度第一之二

人跋渠第三

一人此生十二種緣幾種過去幾種未來幾種現在又世尊言無明緣行受緣有彼云何無明緣行云何受緣有無明緣行受緣有有有差別頗行緣無明非緣明緣明不緣無明不緣明不緣無明耶出息入息當言依身迴當言依心迴耶如色界衆生依身心迴

論  
西明寺八極論卷二  
一  
如是無色界衆生依何所迴心無有中愛當言見諦  
斷當言思惟斷無有名是何等法又世尊言彼欲心  
得解脫瞋恚愚癡心得解脫何等心解脫有欲無欲  
有瞋恚無瞋恚有愚癡無愚癡過去未來現在未解  
脫心當言解脫耶已解脫心當言解脫耶又世尊言  
於是當習厭無婬習無婬解脫習解脫泥洹彼云何  
厭云何無婬云何解脫云何泥洹又世尊言有斷界  
無婬界有盡界彼云何斷界云何無婬界云何盡界  
若斷界彼無婬界耶設是無婬界彼斷界耶若斷界  
彼盡界耶設盡界彼斷界耶若無婬界彼盡界耶設

盡界彼無婬界耶又世尊言有斷想有無婬想有盡  
想彼云何斷想云何無婬想云何盡想此章義願具  
演說一人此生十二種緣幾種過去幾種未來幾種  
現在答曰二種過去無明行二未來生死也八現在  
識名色六入更樂痛愛受有又世尊言無明緣行受  
緣有彼云何無明緣行云何受緣有答曰無明緣行  
者於是現行前世時所作行彼行報今生得有此謂  
無明緣行受緣有者於是現行於此生所作行諸行  
受報當得未來有此謂受緣有無明緣行受緣有有  
何差別答曰無明緣行於是現行前世時所作行彼

行報今生得有彼行緣說一結無明受緣有於是現  
行今生作行彼行報當得未來有彼行緣說一切結  
無明緣行受緣有是謂差別頗行緣無明不緣明耶  
答曰無也緣明不緣無明耶答曰此亦無也不緣明  
不緣無明耶答曰此亦無也何以故無此衆生從久  
遠道言非道彼於後時人間造行作粟散小王或作  
邊王轉爲大王至遮迦越所欲自在展轉相因無所  
不統得爲人主人界神界藥草樹木展轉生長此是  
前心四緣彼後心一增上緣復次我今當說因緣頗  
行緣無明不緣明耶答曰有無明報染汚行頗行緣

明不緣無明耶答曰有除初明諸餘無漏行頗有行  
不緣明不緣無明耶答曰有除無明報諸餘所不隱  
沒無記行初明善有漏行出息入息當言依身廻當  
言依心廻答曰出息入息如隨巧便亦隨身廻亦隨  
心廻若出息入息但依身廻不依心廻者此則入無  
思想定滅盡定出息入息廻也若出息入息依心廻  
不依身廻者此則無色界人出息入息廻也若出息  
入息依身廻依心廻不如巧便此則卵胎皮膜轉厚  
如酥酪在母腹中諸根未具諸根未熟入第四禪出  
息入息廻但出息入息如其巧便依身廻依心廻下

至摩訶阿鼻泥犁上至淨居天於其中間所有衆生  
諸根不缺一切肢節完具出息入息如其巧便盡依  
身廻依心廻如色界衆生依身心廻如是無色衆生  
依何等心廻答曰命根處所亦復有餘心不相應行  
無有中愛當言見諦斷當言思惟斷耶答曰無有中  
愛思惟斷不得言見諦斷或復有言無有中愛或見  
諦斷或思惟斷云何見諦斷答曰見諦所斷法無有  
中諸姪是謂見諦斷云何思惟斷答曰思惟所斷法  
無有中諸姪是謂思惟斷如我義無有中愛思惟所  
斷如是無有中愛思惟所斷耶答曰如是若作是說

須陀洹能起此愛使我斷壞乃至死答曰無聽我所  
說設當無有中愛思惟所斷彼如是當言須陀洹能  
起此愛斷壞乃至死答曰雖有此言是義不然不得  
作是語須陀洹能起此愛無有中愛思惟所斷不應  
言無有中愛思惟所斷此事不然頗有是言須陀洹  
姪欲未盡地獄畜生餓鬼耶答曰如是頗有是言須  
陀洹能起此愛我當作伊羅繫那龍王摩那斯善住  
若閻浮地獄王答曰無聽我所說若須陀洹愛未盡  
地獄畜生餓鬼當作是語須陀洹能起此愛我作伊  
羅繫那龍王摩那斯善住若閻浮地獄王答曰雖有

此言是義不然不得作是語須陀洹能起此愛我作  
伊羅繫那摩那斯善住若閻浮地獄王須陀洹欲意  
未盡地獄畜生餓鬼不得作是語須陀洹愛未盡地  
獄畜生餓鬼此事不然頗作是語諸纏所纏殺父母  
此纏思惟所斷須陀洹未盡耶答曰如是頗作是語  
須陀洹能起此纏諸纏殺父母答曰不也聽我所  
說諸纏所纏殺父母此纏思惟所斷須陀洹未盡彼  
如是語須陀洹能起此纏諸纏殺父母答曰雖有此  
言是事不然不應作是語須陀洹能起此纏諸纏殺  
父母諸纏所纏殺父母此纏思惟所斷須陀洹未盡

不得作是語諸纏所纏殺父母此纏思惟所斷須陀  
洹未盡此事不然頗作是語思惟所斷法無有思惟  
斷耶答曰如是頗作是語須陀洹能起彼緣愛耶答  
曰不也聽我所說若思惟所斷法無有思惟所斷彼  
如是語須陀洹能起彼緣愛答曰雖有此言是事不  
然不應作是語須陀洹能起彼緣愛思惟所斷法無  
有思惟所斷不得作是語思惟所斷法無有思惟所  
斷此事不然無有名何等法答曰三界無常又世尊  
言彼欲心解脫恚心癡心解脫云何心得解脫有姪  
怒癡無姪怒癡答曰無姪怒癡復有如是言與姪怒

癡心相應彼心解脫彼不應作是語何以故非彼心  
此姪怒癡相合相依相應彼姪怒癡未斷如是心不  
解脫彼姪怒癡姪怒癡斷如是心解脫彼姪怒癡世  
尊亦言日月此五暄雲煙霧塵阿須倫非彼日月此  
暄相合相依相應此暄未盡如是彼日月不明不熱  
不廣不淨此暄盡彼日月明熱廣淨如是非彼心此  
姪怒癡相合相依相應彼姪怒癡未斷如是心不解  
脫彼姪怒癡彼姪怒癡斷心得解脫彼姪怒癡何等  
心解脫過去耶未來耶現在耶答曰未來心起卽時  
解脫無餘障云何如無礙道現前卽滅盡智現在前

必生若彼無礙道滅而生盡智如是未來心生卽時  
解脫無餘障未解脫心當言解脫耶已解脫心當言  
解脫耶答曰已解脫心當言解脫若已解脫不得言  
當解脫若當解脫不得言已解脫已解脫心當解脫  
此事不然如向者語世尊善說契經

若斷欲無餘 如入水蓮華 比丘滅此彼  
如蛇脫皮去  
已滅滅耶不滅滅耶答曰已滅滅也若已滅不得言  
當滅若當滅不得言已滅已滅當滅此事不然如向  
者語世尊善說契經

慢盡自定意 善心一切脫 一靜居無亂

畏死度彼岸

已度度耶未度度耶答曰已度度也若已度不得言當度若當度不得言已度已度當度此事不然如何者語世尊善說契經

麋鹿依林 鳥依虛空 法歸分別 真人歸滅

又世尊言習厭無婬習無婬解脫習解脫泥洹彼云何厭云何無欲云何解脫云何泥洹云何厭答曰行臭處不淨意常避之慚不喜見此謂厭云何無欲答曰彼厭相應無婬怒癡善根此謂無欲云何解脫答

曰彼無欲怒癡善根相應心已解脫當解脫今解脫此謂解脫彼云何泥洹答曰婬怒癡盡無餘此謂泥洹又世尊言有斷界有無婬界有滅界云何斷界答曰除愛結諸餘結盡此謂斷界云何無婬界答曰愛結滅此謂無婬界云何滅界答曰諸結法滅此謂滅界所謂斷界是無婬界耶答曰如是設是無婬界是斷界耶答曰如是所謂斷界是滅界耶答曰如是設是滅界是斷界耶答曰如是所謂無婬界是滅界耶答曰如是設滅界是無婬界耶答曰如是又世尊言有斷想有無婬想有滅想彼云何斷想答曰除愛結

諸餘結滅諸想性是謂斷想云何無姪想答曰愛結滅諸想性是謂無姪想云何滅想答曰諸結法滅諸想性是謂滅想

四十八首盧長十六字

### 愛恭敬跋渠第四

云何愛恭敬云何供養恭敬云何身力身力攝幾入幾識識云何數緣滅云何非數緣滅云何無常無常非數緣滅有何差別云何有餘泥洹界云何無餘泥洹界泥洹者當言學耶無學耶非學非無學耶又世尊言彼成就無學戒身無學定身無學慧身無學解脫身無學解脫知見身彼云何無學戒身定身慧身

解脫身解脫知見身又世尊言一究竟非衆究竟究竟名何法耶又世尊言有諸異學實當斷諸受於現法中不施設斷一切諸受施設斷欲受戒受見受非我受此義云何以何等故外道異學於現法中不施設斷我受有二智知智盡智彼云何知智云何盡智歸佛歸法歸比丘僧彼何歸趣此章義願具演說云何愛恭敬云何供養恭敬云何身力愛恭敬者彼云何愛云何恭敬愛云何答曰若愛相愛作愛此謂愛恭敬云何若恭敬善恭敬善下此云何如一愛師意聞彼由恭敬法僧和尚阿闍黎同和尚阿闍黎及諸

尊重等梵行者愛意閏彼由恭敬如是若愛彼作恭敬此謂愛恭敬供養恭敬者彼云何供養云何恭敬供養云何答曰二供養法供養衣食供養此謂供養恭敬云何若恭敬善恭敬善下此云何如一作供養師彼由恭敬僧和尚阿闍黎同和尚阿闍黎及諸尊重等梵行者作供養彼由恭敬如是若供養彼作恭敬此謂供養恭敬云何身力答曰若身為身精進身強身方便身勇此謂身力也身力攝一入細滑入二識識身識意識如二壯夫與共相撲一人力勝一人力劣其多力者捉而知之我力大彼彼不如我其力

劣者捉復自知彼力大我我不如彼如彼多力少力俱攝一入細滑入二識識身識意識譬如二人一強力一劣力彼處處捉若撲若墮若執此捉亦知彼強力此劣如彼多力劣力俱攝一入細滑入二識識身識意識云何數緣盡云何非數緣盡云何無常數緣盡云何答曰其盡者是解脫此謂數緣盡非數緣盡云何答曰其盡者非解脫此謂非數緣盡無常云何答曰諸行變易滅盡不住此謂無常無常非數緣盡有何差別答曰無常者諸行變易滅盡不住非數緣盡者已脫苦患愁憂諸惱不隨欲意未得離欲無常

非數緣盡此是差別云何有餘泥洹界無餘泥洹界  
云何有餘泥洹界答曰若無著壽住活四大未沒彼  
造色五根與心周旋是謂有餘泥洹界於有餘泥洹  
界有結使滅盡得到彼岸而取果證此謂有餘泥洹  
界也云何無餘泥洹界答曰無著餘久過去般泥洹  
四大滅盡彼造色五根無心可廻旋此謂無餘泥洹  
界於無餘泥洹界諸結使盡此謂無餘泥洹界泥洹  
者當言學耶無學耶亦非學非無學耶答曰泥洹亦  
非學非無學也或有作是言泥洹或是學或是無學  
或是非學非無學云何學答曰學得諸結使滅盡得

到彼岸而取果證此謂爲學云何無學答曰無學得  
諸結使滅盡得到彼岸而取果證此謂無學也云何  
非學非無學答曰有漏得諸結使滅盡得到彼岸而  
取果證此謂非學非無學如我義泥洹亦非學非無  
學如是泥洹亦非學非無學耶答曰如是頗作是說  
諸先以世俗道斷欲瞋恚永盡無餘此不修四諦  
若得四諦始得四諦得阿那含答曰如是頗作是說  
諸先以世俗道得諸結使滅盡得到彼岸而取果證  
得阿那含果此是學耶答曰非也若當先以世俗道  
得諸結使滅盡得到彼岸而取果證得阿那含果當

是學者先亦是學未得阿那含果未得彼時如是學  
此事不然頗作是言向阿羅漢果證諸結盡學得阿  
羅漢無學耶答曰如是頗作是說向阿羅漢果證諸  
結盡學得阿羅漢果彼是無學耶答曰不也若當向  
阿羅漢果證結盡學得阿羅漢是無學者本是無學  
未得阿羅漢不得彼時如是無學此事不然頗作是  
說阿羅漢結盡無學失阿羅漢學耶答曰如是頗作  
是說阿羅漢諸結盡無學失阿羅漢彼是學耶答曰  
不也若當阿羅漢結盡無學失阿羅漢當是學者本  
亦是學未失阿羅漢不得彼時如是學此事不然何

以故泥洹非學非無學不有學不有無學若當泥洹  
非學非無學者有學有無學此二種法亂法不定法  
則有壞法亦不可知住法世尊亦不說泥洹非學非  
無學有學有無學但泥洹不有學不有無學以是故  
常一切時一切住不腐敗無變易法泥洹非學非無  
學又世尊言彼無學成就戒身定身慧身解脫身無  
學解脫知見身彼云何無學戒身定身慧身解脫身  
云何無學解脫知見身云何無學戒身答曰無學身  
護口護命清淨是謂無學戒身云何無學定身答曰  
無學空無相願是謂無學定身云何無學慧身答曰

無學思惟相應緣擇法擇法觀種種觀分別此謂無  
學慧身云何無學解脫身答曰無學思惟相應意解  
脫已解脫當解脫此謂無學解脫身云何無學解脫  
知見身答曰盡智無生智復次無學苦智習智無學  
慧身無學盡智道智無學解脫知見身復次無學苦  
智習智道智無學慧身無學盡智無學解脫知見身  
又世尊言一究竟非衆究竟究竟名何等法答曰世  
尊說成道究竟或泥洹究竟云何爲道答曰如所說  
如不知道 一聰明慢 未到究竟 未道御死  
此謂道云何泥洹答曰如所說

究竟到不畏

無縛亦無悔

已脫於有刺

此身是後邊

此謂最畢竟

息跡無有上

盡一切之相

練跡無有上

如彼數目捷連婆羅門往至佛所問如此事一切世  
尊瞿曇沙門弟子如是教如是訓畢定究竟無餘泥  
洹世尊告曰此目捷連不定或得或不得此泥洹又  
世尊言外道異學實斷諸受於現法中不施設斷諸  
受施設斷欲受戒受見受非我受彼有如是說佛世  
尊說少法彼不得如是說何以故佛不妄說法復有  
作是說以現少滅彼不得如是說何以故若凡夫人

於我受中少減證然佛世尊廣爲說法無有極乃至  
天人奉行於彼有異學梵志受佛語名持入陰蓋意  
止覺意具足不具足於彼有異學梵志受欲受名者  
彼如是說我施設斷欲受諸戒受見受名者彼如是  
說我施設斷戒受見受如衆多比丘中食後雲集昇  
講堂有異學衆多梵志往至如是問沙門瞿曇爲弟  
子如是說法於是斷五蓋覆心慧力羸專四意止修  
七覺意我等亦當爲弟子如是說法於是斷五蓋覆  
心慧力羸專四意止修七覺意此我等與彼沙門瞿  
曇有何等異此婆羅門不識蓋況當識意止覺意然

佛世尊廣爲說法無有極乃至天人奉行於彼有異  
學梵志受佛語名持入陰蓋意止覺意具足不具足  
於彼有異學梵志受欲受名者彼如是說我施設斷  
欲受諸戒受見受名者彼如是說我施設斷戒受見  
受如彼檀提婆羅門身生癰疽如蛇無常實苦實空  
實無我復以二手摩捫身言此瞿曇不病此泥洹此  
檀提梵志不識不病法況當識見泥洹然佛世尊廣  
爲說法乃至天人奉行彼異學梵志聞佛名持入陰  
蓋意止覺意具足不具足者於彼有異學梵志受欲  
受名者彼如是說我施設斷欲受諸戒受見受名者

彼如是說我施設斷欲受諸戒受見受此義云何以何等故外道異學不施設斷我受答曰外道異學長夜著己身著衆生著人著壽命彼多聞者非如是時說我施設斷我受有二智知智盡智彼云何知智云何盡智云何知智答曰諸智見明覺修行此謂知智云何盡智答曰姪怒癡盡無餘一切結盡無餘此謂盡智世尊或說知智或說泥洹云何知智答曰如所說

此賢年少者 一切世能解 若此受生苦  
能以智聰明 若用行則說 不用則不說

不作歌誦者 能以智聰明

此曰知智云何泥洹答曰如所說當說智知法以知人云何智答曰姪怒癡盡無餘一切結盡無餘是曰智也云何知法答曰五盛陰是云何以知人答曰漏盡阿羅漢是此泥洹諸歸趣佛彼何歸趣答曰諸法實有數想施設說語廻轉佛者彼覺行歸趣無學法歸法趣者彼何歸趣答曰愛盡無姪滅說泥洹彼此歸趣諸歸趣僧趣者彼何歸趣答曰諸法實有數想施設說語廻轉僧者彼僧行歸趣學法無學法

深第四竟梵本三百  
七十三首盧長十字

敬恭  
跋

無慚愧跋渠第五

云何無慚云何無愧無慚無愧有何差別云何慚云何愧慚愧有何差別云何增不善根云何微云何欲界增善根云何微若心過去一切彼心變易耶設心變易一切彼心過去耶若心染污一切彼心變易耶設心變易一切彼心染污耶一切調盡與戲相應耶一切戲盡與調相應耶一切睡盡與眠相應耶一切眠盡與睡相應耶眠當言善耶爲不善耶無記耶眠時當言福廻耶非福廻耶非福非不福廻耶夢名何等法五蓋攝諸蓋攝五蓋諸蓋彼是覆耶設諸

覆是蓋耶諸欲界繫無明使一切彼不善耶設諸不善者一切彼欲界繫無明使耶諸色無色界無明使者一切彼無記耶設諸無記者一切彼色無色界無明使耶諸苦諦習諦所斷無明使一切彼一切遍耶設諸一切遍一切彼苦諦習諦所斷無明使耶諸盡諦道諦所斷無明使一切彼非一切遍耶設諸非一切遍一切彼盡諦道諦所斷無明使耶云何不共無明使云何不共調纏此章義願具演說云何無慚云何無愧云何無慚答曰可慚不慚可避不避亦不避他不恭敬不善恭敬不善往來此謂無慚云何無愧

答曰若不愧不善愧不愧他可羞不羞不羞他  
不畏惡事惡事不見畏此謂無愧無慚無愧有何差別答  
曰不善往來無慚惡事不見畏無愧無慚無愧是謂  
差別云何慚云何愧云何慚答曰可慚慚可避避可  
避他恭敬善恭敬善往來是謂爲慚云何爲愧答曰  
可愧愧可羞羞可羞他惡事畏見惡事畏此謂愧慚  
愧有何差別答曰善往來慚惡事見惡事怖愧慚愧  
此謂差別云何增不善根云何微云何增答曰諸不  
善根斷善根者斷欲界婬此最初滅時此謂爲增云  
何微答曰度欲無婬最後滅者諸已滅欲得無婬此

謂微云何欲界增益善根云何微云何增答曰菩薩  
於正法越次取證修行得等智若如來得盡智於婬  
怒癡盡得善根此謂增云何微答曰斷善根時最後  
滅諸已滅得數斷善根是謂微諸心過去一切彼心  
變易耶答曰如是諸心過去一切彼心變易頗有心  
變易彼心不過去耶答曰有未來現在欲瞋恚相應  
心世尊亦說若賊來俱鋸刀割截身體彼當俱鋸刀  
割截身體時心有變易亦復說若比丘變易心也諸  
心染污一切彼心變易耶答曰如是諸心染污一切  
彼心變易也頗有心變易彼心不染污耶答曰有過

去欲不相應心未來現在瞋恚相應心世尊亦說若  
賊來俱鋸刀不割截身體彼當俱鋸刀割截身體時  
心有變易一切調與戲相應耶答曰或調不與戲相  
應云何調不與戲相應答曰不戲不息不休調稍稍  
調心熾盛是謂調不與戲相應云何戲不與調相應  
答曰不染污心若所作惡悔戲是謂戲不與調相應  
云何調與戲相應答曰染污心所作惡悔戲是謂調  
戲相應云何非調非戲相應答曰除上爾所事一切  
睡眠相應耶答曰或睡不眠相應云何睡不眠相應  
答曰未眠時身不爽心不爽身重心重身憺憺心憺

憺身憤心憤身睡心睡睡所纏是謂睡不眠相應云  
何眠不眠相應答曰不染污心眠夢是謂眠不睡相  
應云何睡眠相應答曰染污心眠夢是謂睡眠相應  
云何不睡不眠答曰除上爾所事眠當言善耶當言  
不善耶當言無記耶答曰眠或善或不善或無記云  
何爲善答曰善心眠夢此謂善云何不善答曰不善  
心眠夢此謂不善云何無記答曰除上爾所事眠時  
所作福當言廻耶所作不福當言廻耶所作非福所  
作非不福當言廻耶答曰眠時或所作福當言廻或  
所作不福當言廻或所作非福所作非不福不當言

迴云何眠時所作福當言迴答曰如夢中施與作福持戒守齋如眠時餘福心迴何以故如善心眠如是眠時所作福當言迴云何眠時所作不福當言迴耶答曰如夢中殺生盜行邪淫知言妄語飲酒如眠時餘不福心迴何以故如不善心眠如是眠時所作不福當言迴云何眠時所作非福所作非不福不當言迴答曰如眠時非福心非無福心不迴何以故如無記心眠如是眠時所作非福所作非不福不當言迴夢名何等法答曰眠時諸緣心心念法迴覺已便憶如是說如是是我見夢五蓋攝諸蓋攝五蓋答

曰諸蓋攝五蓋非五蓋攝諸蓋不攝何等答曰無明蓋也世尊亦說無明覆愛結繫如是愚得此身聰明亦如是若蓋彼覆耶答曰或蓋彼不覆云何蓋彼不覆答曰過去未來五蓋是謂蓋彼非覆云何覆彼非蓋答曰除五蓋諸結使現在前是謂覆彼非蓋也云何蓋彼覆答曰五蓋展轉現在前是謂蓋彼覆云何非蓋彼非覆答曰除上爾所事諸欲界繫無明使一切彼不善乎答曰如是諸不善一切彼欲界繫無明使頗有欲界繫無明使彼非不善乎答曰有欲界身見邊見相應無明使諸色無色界無明使一切彼無

記耶答曰如是諸色無色界無明使一切彼無記也  
頗有無記非彼色無色界無明使耶答曰有欲界身  
見邊見相應無明使諸苦諦習諦所斷無明使彼一  
切遍耶答曰如是諸一切遍一切彼苦諦習諦所斷  
無明使頗有苦諦習諦所斷無明使彼非一切遍耶  
答曰有苦諦習諦所斷非一切遍相應無明使諸盡  
諦道諦所斷無明使一切彼不一切遍耶答曰如是  
諸盡諦道諦所斷無明使彼非一切遍也頗不一切  
遍彼非盡諦道諦所斷無明使耶答曰有苦諦習諦  
所斷不一切遍相應無明使云何不共無明使答曰

苦不忍習盡道不忍云何不共調纏答曰無不共調

纏無懈愧跋渠第五竟梵本二百二十首盧

延子造

阿毗曇八犍度論卷第三 僧伽提婆慈師念譯

音釋 度第一之三

眩壹計切癰瘰於容切奕乳充切與憊憊都

惜陰體也憤直千余切非色軼同柔也

吳江居士葉紹顯柏貲刻此  
阿毗曇八犍度論卷第二 計字七千一百五  
十二箇 該銀三兩五錢七分六厘 浮山  
釋在定對 上元于從龍書建陽范九理刻  
崇禎辛巳孟秋月吳江接待寺識

論

阿毗曇八犍度論卷第二

七

多二



云何無常諸死彼無常耶設無常彼死耶行力強無  
常力强又世尊言此三有爲有爲相興衰住若干彼  
一心中云何興云何衰云何住若干此章義願廣演  
說

色法生老無常當言色耶當言非色耶答曰當言非  
色無色當言卽無色可見當言不可見不可見當言  
卽不可見有對當言無對無對當言卽無對有漏當  
言卽有漏無漏當言卽無漏有爲當言卽有爲過去  
當言卽過去未來當言卽未來現在當言卽現在善  
當言卽善不善當言卽不善無記當言卽無記欲界

繫當言卽欲界繫色界繫當言卽色界繫無色界繫  
當言卽無色界繫是學當言卽是學不學當言卽不  
學非學非無學當言卽非學非無學見諦所斷當言  
卽見諦所斷思惟所斷當言卽思惟所斷非斷法生  
老無常當言見諦所斷當言卽思惟所斷當言非斷  
耶答曰當言卽無斷云何老云何死云何無常云何  
老答曰行衰退根熟壞身色變得老毀是謂老云何  
死答曰彼衆生生彼彼衆生處若命終當命終退不  
現喪歿壽失捨陰命根閉此謂死云何無常答曰諸  
行散退沒此謂無常諸死卽無常乎答曰如是諸死

彼無常頗有無常彼非死耶答曰有除死諸餘行無  
常行力强無常力强答曰行力强非無常行者過去  
未來現在行滅無常者現在行散或作是說無常力  
强非行行亦無常如我義行力强非無常行者過去  
未來現在行滅無常者現在行散也又世尊言此三  
有爲有爲相興衰住若干彼一心云何興云何衰云  
何住若干答曰興者生衰者無常住者若干老也  
色跋

渠第六竟梵本  
四十七首盧

無義跋渠第七

又世尊言

知無義俱 諸空持戒 彼不得義 如出時沒  
以何等故與無義俱諸空持戒世尊說苦又世尊言  
彼正身坐繫念在前彼云何繫念在前又世尊言目  
捷連鞞舍梵天不說第六人行無相三道云何第六  
人行無相又世尊言此聞法已時地神舉聲放聲如  
來轉法輪於波羅柰鹿苑園中若沙門婆羅門若天  
魔梵天若世間未曾轉法輪地神有此智知如來轉  
法輪不又世尊言彼比丘漏盡阿羅漢三十三天集  
坐善法講堂數數雲集行彼某名尊者彼某名尊者  
弟子於某村某聚落出家信家非家剃除鬚髮著袈

論

阿毘曇論卷之三

三

形三

袈衣作道人盡有漏成無漏心解脫慧解脫於現法  
自知行作證生已盡梵行已成所作已辦名色已有  
知如真三十三天有此智知比丘漏盡不又世尊言  
彼諸化法教化示諸向法次法此八萬四千摩竭大  
臣三結已盡得須陀洹不墮惡趣法定正道至七有  
往來七生天人盡苦際彼云何化法教化云何向法  
次法云何多欲云何無厭多欲無厭有何差別云何  
少欲云何知足少欲知足有何差別云何難滿云何  
難養云何易滿云何易養此章義願具演說  
又世尊言

知無義俱 諸空持戒 彼不得義 如出時沒  
以何等故與無義俱諸空持戒世尊說苦答曰此是  
死道共死死相不能如是苦離死以是故與無義俱  
諸空持戒世尊說苦又世尊言彼正身坐繫念在前  
彼云何繫念答曰彼近明善方便正念骨想青想骨  
鎖想胛脹想食不淨想燒焦想骨節異處想又世尊  
言目捷連鞮舍梵天不說第六人行無相云何第六  
人行無相答曰堅信堅法於此義現第六無相人彼  
無相不可數不可施設若此住若彼住不可數若苦  
法忍若苦法智若苦未知忍若苦未知智若習法忍

若習法智若習未知忍若習未知智若盡法忍若盡法智若盡未知忍若盡未知智若道法忍若道法智若道未知忍若道未知智如是無相不可數不可施設若此住若彼住以是故堅信堅法於此義現第六無相人又世尊言此聞法已時地神舉聲放聲世尊轉法輪於波羅奈仙人鹿苑園中若沙門婆羅門若天魔梵若世間未曾轉地神有此智知世尊轉法輪不耶答曰不也云何知答曰世尊起世俗心我轉法輪名某比丘見法此彼知亦告他我轉法輪名某比丘見法此彼聞彼尊者亦起世俗心世尊轉法輪我

已見法此彼知亦告他佛轉法輪我已見法此彼聞彼或從大尊天聞又世尊言彼比丘漏盡阿羅漢三十三天集坐善法講堂數數雲集行彼某名尊者彼某名尊者弟子於某村某聚落出家信家非家剃除鬚髮著袈裟衣作道人盡有漏成無漏心解脫慧解脫於現法自知行作證生已盡梵行已成就所作已辦名色已有知如真是三十三天有此智知比丘漏盡不答曰不知云何知答曰世尊起世俗心名某比丘漏盡得阿羅漢此彼知亦告他名某比丘漏盡得阿羅漢此彼聞彼尊者亦起世俗心我漏盡得阿羅

論  
所明實錄卷三  
五  
采三  
漢此彼知亦告他我漏盡得阿羅漢此彼聞彼或從  
大尊天聞又世尊言彼諸化法教化亦諸向法次法  
此八萬四千摩竭大臣二結已盡得須陀洹不墮惡  
趣法定正道至七有往來七生人天盡苦際彼云何  
化法教化云何向法次法云何化法教化答曰諸摩  
竭大臣已生天見法此謂化法教化云何向法次法  
答曰諸摩竭大臣本爲人時見法此謂向法次法云  
何多欲云何無厭多欲云何答曰未得色聲香味細  
滑衣食牀卧病瘦醫藥具諸欲已欲當欲此謂多欲  
無厭云何答曰已得色聲香味細滑衣食牀卧病瘦

醫藥具不喜不善喜亦不喜他不厭不善厭亦不厭  
他此謂無厭多欲無厭有何差別答曰未得色聲香  
味細滑衣食牀卧病瘦醫藥具若索求索強索巧方  
便緣已得色聲香味細滑衣食牀卧病瘦醫藥具復  
方便復欲復願復念少不喜少不善喜得他少不喜  
多欲無厭此謂差別云何少欲云何厭少欲云何答  
曰未得色聲香味細滑衣食牀卧病瘦醫藥具諸非  
欲非已欲非當欲此謂少欲厭云何答曰已得色聲  
香味細滑衣食牀卧病瘦醫藥具諸喜善喜亦善喜  
他厭善厭善厭他此謂厭少欲厭有何差別答曰未

得色聲香味細滑衣食牀卧病瘦醫藥具若不索不求索不强索不巧方便緣方便已得色聲香味細滑衣食牀卧病瘦醫藥具不復方便不復作欲不復作願不復作念念少喜少善喜得他喜少欲厭此謂差別云何難滿云何難養難滿云何答曰欲多食欲多噉此謂難滿云何難養答曰貪饕常希望食此謂難養云何易滿云何易養易滿云何答曰諸不大食不大噉不希望食此謂易滿云何易養答曰不貪饕常不希望食此謂易養

無義跋渠第七竟  
梵本九十七首盧

### 思跋渠第八

云何爲思云何爲想思想有何差別云何爲覺云何爲觀覺觀有何差別云何爲掉云何心亂掉心亂有何差別云何無明云何不順智云何爲慢云何爲憍慢憍有何差別若生增上慢我見苦是苦此增上慢何緣若生增上慢我見習是習見盡是盡見道是道此增上慢何緣若生增上慢我生已盡梵行已成所作已辦名色已有知如真此增上慢何緣云何不勝生慢上慢作慢云何覺欲自害云何害他云何俱害云何覺恚自害云何害他云何俱害云何覺殺自害云何害他云何俱害知爲多智爲多智爲多識爲多

有漏行多無漏行多有爲行多無爲行多云何行事成云何除事成云何凡夫性凡夫事當言善耶不善耶無記耶當言欲界繫耶當言色無色界繫耶見諦所斷耶思惟所斷耶凡夫性名何等法諸法邪見相應彼邪志耶設邪志彼邪見耶所有諸法邪見相應彼邪方便邪念邪定耶設邪定彼邪見耶諸法乃至邪念相應彼邪定耶設邪定彼邪念耶此章義願具演說

云何爲思云何爲想云何爲思答曰諸思等思增思心行意作是謂思云何爲想答曰諸想等想緣想稱觀此謂思想何差別答曰思者行想者慧思想此爲差別云何爲覺云何爲觀云何爲覺答曰諸心覺稍稍覺按次分別稍稍分別是謂覺云何觀答曰諸擇一一擇順擇順迴按次順往界是謂觀覺觀有何差別麤心爲覺細心爲觀覺觀是謂差別云何爲掉云何心亂云何爲掉答曰心不息不休掉心熾盛是謂掉云何心亂答曰心散心亂心妄心動不一心是謂心亂掉心亂何差別答曰不息相掉不一心相心亂是謂差別云何無明云何不順智無明云何答曰三界無知也云何不順智答曰無巧便慧也如是無

巧便慧不順智耶答曰如是頗作是語諸順智言妄語彼一切失意不順智順智言妄語耶答曰如是頗作是語順智無妄語耶答曰不也聽我所說諸順智言妄語彼一切失意不順智順智言妄語彼作是語順智無妄語答曰雖作是語此事不然不應作是語順智無妄語但諸順智言妄語彼一切失意不順智順智言妄語不應作是語諸順智言妄語彼一切失意不順智順智言妄語此事不然頗作是說一切無明不順智相應諸順智言妄語彼一切無明往無明愚無明所纏失意不順智順智言妄語耶答曰如是愚無明所纏失意不順智順智言妄語耶答曰如是

頗作是說順智無妄語耶答曰不也聽我所說若一切無明不順智相應諸順智言妄語彼一切無明往無明愚無明所纏失意不順智順智言妄語如是說順智無妄語耶答曰雖有是語此事不然不應作是說順智無妄語但一切無明不順智相應諸順智言妄語彼一切無明往無明愚無明所纏失意不順智順智言妄語不應作是語一切無明不順智相應諸順智言妄語彼一切無明往無明愚無明所纏失意不順智順智言妄語此事不然云何慢云何僞慢云何答曰於卑謂妙自謂勝也於妙相似此從起慢作慢

論

何世樂雙論卷三

九

三

心熾盛是謂慢憍云何答曰我生勝姓色族伎術業  
富端正從此起憍作憍一一憍一一作憍是謂憍慢  
憍何差別答曰於他緣勝心熾盛是謂慢相自於法  
中心有染污是謂憍相慢憍是謂差別若生增上慢  
我見苦是苦此增上慢何緣答曰如一與善知識相  
得從其聽法內思惟得順苦忍彼苦是苦忍欲意喜  
如是彼思惟忍相應思惟不妄時於其中間見疑不  
行設有行者亦復不覺不得忍不覺  
有此行也便作是念我見  
苦是苦此從起慢是謂增上慢此增上慢何緣答曰  
卽彼苦緣習亦如是若生增上慢我見盡是盡此增

上慢何緣答曰如一與善知識相得從其聞法內思  
惟得順盡忍彼盡是盡忍欲意喜如是彼思惟忍相  
應思惟不妄時於其中間見疑不行設有行者亦復  
不覺便作是念我見盡是盡從此起慢是謂增上慢  
此增上慢何緣答曰卽彼盡緣道亦如是若生增上  
慢我生已盡此增上慢何緣答曰如一便作是念此  
道此跡我依此道依此跡已知苦已斷習已盡作證  
已思惟道我生已盡從此起慢是謂增上慢此增上  
慢何緣答曰卽彼生緣若生增上慢我梵行已成就  
此增上慢何緣答曰如一便作是念此道此跡我依

此道依此跡已知苦已斷習已盡作證已思惟道我  
梵行已成此從起慢是謂增上慢此增上慢何緣答  
曰卽彼心心所念法緣若生增上慢我所作已辦此  
增上慢何緣答曰如一便作是念此道此跡我依此  
道依此跡我已知苦已斷習已盡作證已思惟道我  
已斷使已害結已吐結我所作已辦此從起慢是謂  
增上慢此增上慢何緣答曰卽彼心心所念法緣若  
生增上慢我名色已有知如真此增上慢何緣答曰  
如一便作是念此道此跡我依此道依此跡我已知  
苦不復當知已斷習不復當斷已盡作證不復當作

證已思惟道不復當思惟我名色已有知如真此從  
起慢是謂增上慢此增上慢何緣答曰卽彼心心所  
念法緣云何於卑起慢答曰此一見他勝我若生若  
姓若色若族伎術行業若富若戒見已便作是念此  
少勝我生姓色族伎術行業富戒此彼非十倍二十  
倍非百倍不如是謂於卑起慢云何覺欲而自害云  
何害彼云何俱害云何自害答曰如姪欲所纏身生  
熱心熱身燒心燒亦復姪欲所纏長夜不忍不奕不  
愛受報如是自害云何害他答曰如姪欲所纏希望  
他妻若見彼夫便起瞋恚如是害他云何俱害答曰

如姪欲所纏竊盜他妻若彼夫見捉其妻執其人搥打縛殺如是俱害云何覺恚自害云何害他云何俱害云何自害答曰如瞋恚所纏身生熱心熱身燒心燒亦復瞋恚所纏長夜不忍不愛受報如是自害云何害他答曰如瞋恚所纏打他若手若杖若石若刀如是害他云何俱害答曰如瞋恚所纏打他若手若杖若石若刀爲彼所打若手若杖若石若刀如是俱害云何覺殺自害云何害他云何俱害答曰如殺心所纏身生熱心熱身燒心燒亦復殺所纏長夜不忍不愛受報如是自害云何害他答曰如害

所纏斷他命如是害他云何俱害答曰如害所纏斷他命他亦報此斷命如是俱害知多耶智多耶答曰知多非智多彼智者知也智多耶識多耶答曰識多非智多一切智識所攝識非智所攝不攝何等答曰忍相應識有漏行多無漏行多答曰有漏行多非無漏行有漏行十入二入少有所入無漏行二入少有所入有爲多無爲多答曰有爲多非無爲有爲十一入一入少有所入無爲一入少有所入云何行事成云何除事成云何凡夫性行事成云何答曰無學身護口護命清淨是謂行事成云何除事成答曰無學

論  
阿毘曇八門論卷三  
三  
根護是謂除事成云何凡夫性答曰聖法若不得已  
不得當不得復次諸聖暖聖忍聖見聖味聖慧若不  
得已不得當不得是謂凡夫性凡夫性當言善耶當  
言不善耶當言無記耶答曰凡夫性當言無記不當  
言善不當言不善也以何等故凡夫性不當言善答  
曰方便求善法已得善法不求方便我作凡夫也已  
斷善根永滅善法不得成就善法設凡夫性是善者  
彼斷善根彼非凡夫以是故凡夫性不得言善以何  
等故凡夫性不當言不善答曰得欲愛盡不善根永  
盡不成就不善法設凡夫性不善者彼凡夫欲愛盡

彼非凡夫人耶以是故凡夫性不當言不善也凡夫  
性當言欲界繫當言色無色界繫答曰凡夫性或欲  
界繫或色無色界繫以何等故凡夫性不定言欲界  
繫答曰欲界没生無色界永滅欲界繫法得不成就  
欲界繫法若凡夫性定欲界繫者彼諸凡夫生無色  
界者彼非凡夫耶以是故凡夫性不當言定欲界繫  
以何等故凡夫性不當言定色界繫答曰色界没生  
無色界永滅色界繫法不得成就色界繫法若凡夫  
性定色界繫彼諸凡夫無色界生彼非凡夫耶以是  
故凡夫性不當言定色界繫以何等故凡夫性不當

言定無色界繫答曰等越次取證先從欲界於苦思  
苦後色無色界同聖道已生先辦欲界事後色無色  
界同若等越次取證先從無色界於苦思苦後欲界  
色界同聖道已生先辦無色界事後欲界色界同如  
是凡夫性定無色界繫但等越次取證先從欲界於  
苦思苦後色無色界同聖道已生先辦欲界事後色  
無色界同以是故凡夫性不當言定無色界繫凡夫  
性當言見諦斷當言思惟所斷答曰凡夫性當言思  
惟斷不當言見諦斷以何等故凡夫性思惟斷非見  
諦斷答曰見諦所斷法永染汚凡夫性不染汚此云

何世間第一法在前速滅苦法忍現在前速生如此  
世間第一法滅苦法忍生於其中間三界凡夫性得  
不成就非餘見諦所斷法永滅凡夫性名何等法答  
曰三界無染汚心不相應行諸法邪見相應彼邪志  
耶答曰或邪見非邪志云何邪見非邪志答曰邪見  
相應邪志諸餘邪志不相應邪見相應法是謂邪見  
非邪志云何邪志非邪見答曰邪志相應邪見諸餘  
邪見不相應邪志相應法是謂邪志非邪見云何邪  
見邪志答曰除邪見相應邪志諸餘邪見邪志相應  
法是謂邪見邪志云何非邪見非邪志答曰邪見不

相應邪志邪志不相應邪見諸餘心心所念法色無  
爲心不相應行是謂非邪見非邪志諸法邪見相應  
彼邪方便耶答曰或有邪見非邪方便云何邪見非  
邪方便答曰邪見相應邪方便是謂邪見非邪方便  
云何邪方便非邪見答曰邪見諸餘邪見不相應邪  
方便相應法是謂邪方便非邪見云何邪見邪方便  
答曰除邪方便諸餘邪見相應法是謂邪見邪方便  
云何非邪見非邪方便答曰邪見不相應邪方便諸  
餘心心所念法色無爲心不相應行是謂非邪見非  
邪方便邪念邪定亦復如是諸法邪志相應彼邪方

便耶答曰或邪志非邪方便云何邪志非邪方便答  
曰邪志相應邪方便是謂邪志非邪方便云何邪方  
便非邪志答曰邪志諸餘邪志不相應邪方便相應  
法是謂邪方便非邪志云何邪志邪方便答曰除邪  
方便諸餘邪志相應法是謂邪志邪方便也云何非  
邪志非邪方便答曰邪志不相應邪方便諸餘心  
心所念法色無爲心不相應行是謂非邪志非邪方便  
邪念邪定亦如是諸法邪方便相應彼邪念耶答曰  
或邪方便非邪念云何邪方便非邪念答曰邪念是  
謂邪方便非邪念云何邪念非邪方便答曰邪方便

是謂邪念非邪方便云何邪方便邪念答曰除邪念  
法不與所念相應也諸餘邪方便相應法是謂邪方  
便邪念云何非邪方便非邪念答曰諸餘心心所念  
法色無爲心不相應行是謂非邪方便非邪念邪定  
亦如是諸法邪念相應彼邪定耶答曰或邪念非邪  
定云何邪念非邪定答曰邪定是謂邪念非邪定云  
何邪定非邪念答曰邪念是謂邪定非邪念同故言非云  
何邪念邪定答曰除邪定諸餘邪念相應法是謂邪  
念邪定云何非邪念非邪定答曰諸餘心心所念法  
色無爲心不相應行是謂非邪念非邪定思跋渠第八竟梵本

二百二十六首  
盧長十八字

阿毗曇八健度論卷第三

音釋

鞞都黎切

降脹降匹絳切

噉徒濫切

饗他刀切

搗側瓜切

切擊也

吳江居士葉紹願捐貲刻此  
阿毗曇八健度論卷第三  
計字五千九百七十箇  
該銀二兩九錢八分五厘  
浮山釋  
崇禎辛巳孟秋月吳江接待寺識

論

阿毗曇八健度論卷第三

共

影三

宗阿摩日誦... 十首... 情字... 法... 是...

### 阿毗曇八健度論卷第四

迦 旃 延 子 造

符秦罽賓三藏僧伽提婆慈愍禪念譯

結使健度第二之一 不善一行 人及十門

不善跋渠第一 自此盡 十二品

不善有報 見亦見苦 若見有覺 如相應根

欲界獲得 斷亦五人 身見如是 一切遍後

三結三不善根三有漏四流四軛四受四縛五蓋五

結五下分結五見六身愛七使九結九十八使此三

結幾不善幾無記此乃至九十八使幾不善幾無記

此三結幾有報幾無報此乃至九十八使幾有報幾無報此三結幾見諦斷幾思惟斷此乃至九十八使幾見諦斷幾思惟斷此三結幾見苦諦斷幾見習盡道諦斷幾思惟斷此乃至九十八使幾見苦諦斷幾見習盡道諦斷幾思惟斷此三結幾見幾不見此乃至九十八使幾見幾不見此三結幾有覺有觀幾無覺有觀幾無覺無觀此乃至九十八使幾有覺有觀幾無覺有觀幾無覺無觀此三結幾樂根相應幾苦根相應幾喜根相應幾憂根相應幾護根相應此三結幾欲界繫幾色界繫幾無色界繫此乃至九十八使幾欲界繫幾色界繫無色界繫諸結是欲界者此結在欲界耶設在欲界結是欲界結耶所有結是色無色界結此結在色無色界耶設結在色無色界是色無色界結耶所有結非欲界結此結不在欲界耶設不在欲界此結非欲界結耶所有結不是色無色界此不在色無色界結耶設結不在無色色界此非色無色界結耶見諦成就世尊弟子色未盡爲色繫耶設爲色繫此色未盡耶若痛想行識未盡爲識所繫耶設爲識所繫識

幾憂根相應幾護根相應此三結幾欲界繫幾色界繫幾無色界繫此乃至九十八使幾欲界繫幾色界繫無色界繫諸結是欲界者此結在欲界耶設在欲界結是欲界結耶所有結是色無色界結此結在色無色界耶設結在色無色界是色無色界結耶所有結非欲界結此結不在欲界耶設不在欲界此結非欲界結耶所有結不是色無色界此不在色無色界結耶設結不在無色色界此非色無色界結耶見諦成就世尊弟子色未盡爲色繫耶設爲色繫此色未盡耶若痛想行識未盡爲識所繫耶設爲識所繫識

未盡耶見諦成就世尊弟子色已盡此色解耶設色  
解者此色盡耶若痛想行識盡此識解耶設識解者  
此識盡耶五人堅信堅法信解脫見到身證堅信人  
於此三結幾成就幾不成就此乃至九十八使幾成  
就幾不成就乃至身證人此三結幾成就幾不成就  
此乃至九十八使幾成就幾不成就身見彼身見幾  
緣緣身見戒盜疑乃至無色界思惟所斷無明使幾  
緣緣無色界思惟所斷無明使彼無色界思惟所斷  
無明使幾緣緣無色界思惟所斷無明使欲界身見  
戒盜疑乃至無色界思惟所斷慢使幾緣緣此章義

願具演說三結乃至九十八使彼三結幾不善幾無  
記答曰一無記二當分別戒盜疑在欲界者則不善  
在色無色界則無記貪瞋恚愚癡定不善有漏中一  
無記二當分別欲漏或不善或無記云何不善答曰  
無慚無愧彼相應欲漏是謂不善云何無記答曰無  
慚無愧不相應欲漏是謂無記無明漏或不善或無  
記云何不善答曰無慚無愧相應無明漏是謂不善  
云何無記答曰無慚無愧不相應無明漏是謂無記  
流中一無記三當分別欲流或不善或無記云何不  
善答曰無慚無愧彼相應欲流是謂不善云何無記

答曰無慚無愧不相應欲流是謂無記無明流或不善或無記云何不善答曰無慚無愧相應無明流是謂不善云何無記答曰無慚無愧不相應無明流是謂無記見流或不善或無記云何不善答曰欲界三見是謂不善云何無記答曰欲界二見色無色界五見是謂無記梔亦如是受中一無記三當分別欲受或不善或無記云何不善答曰無慚無愧彼相應欲受是謂不善云何無記答曰無慚無愧不相應欲受是謂無記戒受在欲界者是謂不善在色無色界者是謂無記見受或不善或無記云何不善答曰欲

界二見是謂不善云何無記答曰欲界二見色無色界四見是謂無記縛中二不善二當分別戒盜身縛我見身縛在欲界是不善在色無色界是無記蓋及瞋恚嫉嫉結定不善愛結憍慢結在欲界是不善在色無色界是無記五下分結中二不善一無記二當分別戒盜疑在欲界是不善在色無色界是無記見中二無記三當分別邪見見盜戒盜在欲界是不善在色無色界是無記六身愛中二不善四當分別眼更愛耳身更愛在欲界是不善在色界是無記意更愛在欲界是不善在色無色界是無記七使中二不

善一無記四當分別憍慢使疑使在欲界是不善在色無色界是無記無明使或不善或無記云何不善答曰無慚無愧相應無明使是謂不善云何無記答曰無慚無愧不相應無明使是謂無記見使或不善或無記云何不善答曰欲界三見是謂不善云何無記答曰欲界二見色無色界五見是謂無記九結中三不善六當分別分別不善及無記也愛結憍慢結失願結疑結在欲界是不善在色無色界是無記無明結或不善或無記云何不善答曰無慚無愧相應無明結是謂不善云何無記答曰無慚無愧不相應無明結是

謂無記見結或不善或無記云何不善答曰欲界一見是謂不善云何無記答曰欲界二見色無色界三見是謂無記九十八使三十三不善六十四無記一當分別欲界苦諦所斷無明使或不善或無記云何不善答曰無慚無愧相應無明使是謂不善云何無記答曰無慚無愧不相應無明使是謂無記一門不善竟此三結幾有報幾無報答曰諸不善則有報諸無記是無報此乃至九十八使幾有報幾無報答曰諸不善是有報諸無記是無報二門報無報竟此三結幾見諦斷幾思惟斷答曰身見見諦初二種

論  
可此  
卷四  
四  
形四

或見諦斷或見諦思惟斷云何見諦斷答曰若身見  
 尼維先若那阿先若繫堅信堅法行苦忍斷是謂見  
 諦斷餘殘若凡夫斷思惟斷進學分別世尊弟子斷  
 意根似也  
 見諦斷戒盜疑見諦初二種或見諦斷或見諦思惟  
 斷云何見諦斷答曰若戒盜疑尼維先若那阿先若  
 繫堅信堅法行忍斷是謂見諦斷餘殘若凡夫斷思  
 惟斷世尊弟子斷見諦斷貪瞋恚愚癡及欲漏思惟  
 初二種或思惟斷或見諦思惟斷云何思惟斷答曰  
 若學見迹思惟斷是謂思惟斷餘殘若凡夫斷思惟  
 斷世尊弟子斷見諦斷有漏無明漏見諦初二種或

見諦斷或思惟斷或見諦思惟斷云何見諦斷答曰  
 若有漏無明漏尼維先若那阿先若繫堅信堅法行  
 忍斷是謂見諦斷云何思惟斷答曰若學見迹思惟  
 斷是謂思惟斷餘殘若凡夫斷思惟斷世尊弟子斷  
 見諦斷流中欲流思惟初二種有流無明流見諦初  
 三種見流見諦初二種梘亦如是受中欲受思惟初  
 二種戒受見受見諦初二種我受見諦初三種縛中  
 欲愛身縛瞋恚身縛思惟初二種戒盜身縛我見身  
 縛見諦初二種蓋貪欲瞋恚睡眠掉思惟初二種悔  
 定思惟斷疑蓋若凡夫斷思惟斷世尊弟子斷見諦

斷結中瞋恚結思惟初二種愛結憍慢結見諦初三種嫉結慳結定思惟斷五下分結中貪欲瞋恚思惟初三種身見戒盜疑及五見見諦初二種六身愛中五身愛定思惟斷意更愛見諦初三種七使中貪欲使瞋恚使思惟初二種有愛使憍慢使無明使見諦初三種見使疑使見諦初二種九結中瞋恚結思惟初二種愛結憍慢結無明結見諦初三種見結失願結疑結見諦初二種嫉結慳結定思惟斷九十八使中二十八使見諦斷十思惟斷餘殘若凡夫斷思惟斷世尊弟子斷見諦斷三門見諦竟

此三結幾見苦諦斷幾見習盡道諦斷幾思惟斷答曰身見見苦斷戒盜有二行或見苦斷或見道斷疑有四行或見苦斷或見習盡道斷貪瞋恚愚癡欲漏有漏無明漏欲流有流無明流五行見流四行扼亦如是受中欲受我受五行戒受二行見受四行縛中欲愛身縛瞋恚身縛五行戒盜身縛二行我見身縛四行蓋中貪欲蓋瞋恚睡眠掉蓋五行悔蓋定思惟斷疑蓋四行結中愛結瞋恚結憍慢結五行嫉結慳結定思惟斷五下分中貪欲瞋恚五行身見見苦斷戒盜二行疑四行見中身見邊見見苦斷邪見見盜

四行戒盜二行身愛中五身愛思惟斷意更愛五行使中貪欲使瞋恚使有愛使憍慢使無明使五行見使疑使四行結中愛結瞋恚結憍慢結無明結五行見結失願結疑結有四行嫉結慳結定思惟斷九十八使中二十八見苦斷十九見習斷十九見盡斷二十二見道斷十思惟斷四門苦諦竟

此三結幾見幾不見答曰二見一不見貪瞋恚愚癡不見漏中一不見二當分別欲漏或見或不見云何見答曰欲界五見是謂見云何不見答曰除欲界五見諸餘欲漏是謂不見有漏或見或不見云何見答

曰色無色界五見是謂見云何不見答曰除色無色界五見諸餘有漏是謂不見流中二見三不見扼亦如是受中二見二不見縛中二見二不見蓋結不見下分中二見三不見見則見也身愛不見使中一見六不見結中二見七不見九十八使中三十六見六十二不見五門見門竟

此三結幾有覺有觀幾無覺有觀幾無覺無觀答曰盡三行或有覺有觀或無覺有觀或無覺無觀貪瞋恚愚癡及欲漏有覺有觀餘殘三行或有覺有觀或無覺有觀或無覺無觀流中欲流有覺有觀餘殘三

行或有覺有觀或無覺有觀或無覺無觀梔亦如是  
受中欲受有覺有觀餘殘三行或有覺有觀或無覺  
有觀或無覺無觀縛中欲愛身縛瞋恚身縛有覺有  
觀餘殘三行或有覺有觀或無覺有觀或無覺無觀  
蓋及瞋恚結嫉結慳結有覺有觀餘殘三行或有覺  
有觀或無覺有觀或無覺無觀下分中貪欲瞋恚有  
覺有觀餘殘及見三行或有覺有觀或無覺有觀或  
無覺無觀身愛中五身愛有覺有觀意更愛三行或  
有覺有觀或無覺有觀或無覺無觀使中貪欲使瞋  
恚使有覺有觀餘殘三行或有覺有觀或無覺有觀

或無覺無觀結中瞋恚結嫉結慳結有覺有觀餘殘  
三行或有覺有觀或無覺有觀或無覺無觀九十八  
使中欲界有覺有觀色界三行或有覺有觀或無覺  
有觀或無覺無觀無色界無覺無觀六門有  
見觀竟  
此三結幾樂根相應幾苦根相應幾喜根相應幾憂  
根相應幾護根相應答曰身見戒盜三除苦根憂根  
疑四除苦根貪三除苦根憂根瞋恚三除樂根喜根  
愚癡及欲漏無明漏五有漏三除苦根憂根流中欲  
流無明流五有流三除苦根憂根見流四除苦根梔  
亦如是受中欲受五戒受我受三除苦根憂根見受

五論  
除苦根縛中瞋恚身縛二除樂根喜根餘殘縛三  
除苦根憂根蓋中貪欲蓋三除苦根憂根瞋恚蓋三  
除樂根喜根睡掉五眠三除樂根苦根悔疑二根相  
應憂根及護根結中瞋恚結三除樂根喜根愛結憍  
慢結三除苦根憂根嫉結慳結二根相應憂根及護  
根也下分中貪欲三除苦根憂根瞋恚三除樂根喜  
根身見戒盜三除苦根憂根疑四除苦根見中邪見  
四除苦根餘殘見三除苦根憂根身愛中五身愛二  
根相應樂根護根意更愛三除苦根憂根使中貪欲  
使有愛使憍慢使三除苦根憂根瞋恚使三除樂根

喜根無明使五見使疑使四除苦根結中瞋恚結三  
除樂根喜根愛結憍慢結失願結三除苦根憂根無  
明結五見結疑結四除苦根嫉結慳結二根相應憂  
根護根九十八使中欲界中身見邊見見盜戒盜見  
諦所斷欲憍慢二根相應喜根及護根疑見諦所斷  
瞋恚二根相應憂根及護根邪見見諦所斷無明三  
除樂根苦根思惟所斷貪欲三除苦根憂根瞋恚三  
除樂根喜根憍慢二根相應喜根及護根無明使五  
色界二除苦根憂根無色界一護根相應也七門根門竟  
此三結結幾欲界繫幾色界繫幾無色界繫答曰盡

有三行或欲界繫或色界繫或無色界繫貪瞋恚愚癡及欲漏欲界繫有漏或色界繫或無色界繫餘殘三行或欲界繫或色界繫或無色界繫流中欲流欲界繫有流或色界繫或無色界繫餘殘三行或欲界繫或色界色界繫扼亦如是受中欲受欲界繫我受或色界繫或無色界繫餘殘三行或欲界繫或色無色界繫縛中欲愛身縛瞋恚身縛欲界繫餘殘三行或欲界繫或色無色界繫五蓋及瞋恚嫉結慳結欲瞋恚欲界繫餘殘及五見三行或欲界繫或色無

色界繫身愛中鼻更愛舌更愛欲界繫眼更愛耳身更愛或欲界繫或色界繫意更愛三行或欲界繫或色無色界繫使中貪欲使瞋恚使欲界繫有愛使或色界繫或無色界繫餘殘三行或欲界繫或色無色界繫結中瞋恚結嫉結慳結欲界繫餘殘三行或欲界繫或色無色界繫九十八使中三十六欲界繫三十一色界繫三十一無色界繫

八門繫門竟

諸所有結使是欲界者彼結使在欲界耶答曰或是欲界結使彼結使不在欲界云何是欲界結使彼結使不在欲界答曰結使所纏魔波旬住梵天上如來

語言亦結使所纏從色界沒辯欲界中陰是謂是欲  
界結使彼結使不在欲界云何結使在欲界彼結使  
不是欲界答曰結使所纏從欲界沒辯色界中陰亦  
所有結使是色無色界住欲界現在前是謂在欲界  
結使彼結使不是欲界云何是欲界結使彼結使亦  
在欲界答曰結使所纏從欲界沒辯欲界中陰生陰  
亦諸結使在欲界者住欲界現在前是謂結使是欲  
界彼結使亦在欲界云何亦不欲界答曰結使所纏  
從欲界沒辯欲界中陰生陰亦諸結使在欲界者住  
欲界現在前是謂結使是欲界彼結使亦在欲界云

何亦不是欲界結使彼結使亦不在欲界答曰諸結  
使所纏從色界沒辯色界中陰生陰色界沒生無色  
界無色界沒生無色界無色界沒生色界亦所有結  
使在色無色界住色界現在前諸所有結使在無色  
界住無色界現在前是謂結使亦不是欲界彼結使  
亦不在欲界諸所有結使是色界彼結使在色界耶  
答曰或有結使是色界彼結使不在色界云何結使  
是色界彼結使不在色界答曰結使所纏從欲界沒  
辯色界中陰亦所有結使是色界住欲界現在前是  
謂是色界結使彼使不在色界云何在色界結使彼

結使不是色界答曰諸結使所纏魔波旬住梵天上  
如來語言亦結使所纏從色界没辯欲界中陰亦所  
有結使在無色界住色界現在前是謂在色界結使  
彼結使不是色界云何是色界結使彼結使亦在色  
界答曰諸結使所纏從色界没辯色界中陰生陰亦  
所有結使是色界住色界現在前是謂是色界結使  
彼結使亦在色界云何結使不是色界彼結使亦不  
在色界答曰諸結使所纏從欲界没辯欲界中陰生  
陰從欲界没生無色界無色界没生無色界無色界  
没生欲界亦所有結使在無色界住欲界現在前亦

所有結使在無色界住無色界現在前是謂結使不  
是色界彼結使亦在色界非亦如是諸所有結使是  
無色界彼結使在無色界耶答曰如是諸所有結使  
在無色界彼結使是無色界也頗是無色界結使彼  
結使不在無色界耶答曰有諸所有結使是無色界  
住欲色界現在前諸有結使不是無色界彼結使亦  
不在無色界耶答曰如是諸所有結使不是無色界  
彼結使亦不在無色界頗結使不在無色界彼結使  
非不是無色界耶答曰有諸所有結使是無色界住  
欲界色界現在前

九門  
竟

見諦成就世尊弟子色未盡爲色所繫耶答曰如是  
設爲色所繫色不盡耶答曰如是若痛未盡爲痛所  
繫耶答曰如是痛未盡爲痛所繫頗爲痛所繫非痛  
未盡耶答曰有家家斯陀舍一種欲界繫增上中思  
惟所斷結盡彼相應痛下結使繫想行識亦復如是

十門  
竟

見諦成就世尊弟子若色已盡彼色脫耶答曰如是  
若色不繫彼色盡耶答曰如是若痛已盡彼痛不繫  
耶答曰如是若痛不繫彼痛盡也頗痛盡彼痛非不  
繫耶答曰有家家斯陀舍一種欲界繫增上中思惟

所斷結盡彼相應痛下結使繫想行識亦復如是十一

四  
竟

五人堅信堅法信解脫見到身證堅信人於此三結  
成就幾不成就幾答曰苦未知智未生一切成就苦  
未知智生二成就一不成就貪瞋恚愚癡欲愛未盡  
一切成就欲愛已盡一切不成就有漏中欲愛未盡  
一切成就欲愛已盡二成就一不成就流中欲愛未  
盡一切成就欲愛已盡三成就一不成就梘受亦如  
是縛中欲愛未盡一切成就欲愛已盡二成就二不  
成就蓋中欲愛未盡道法智未生一切成就若欲愛

未盡道法智生四成就一不成就欲愛已盡一切不  
成就結中欲愛未盡一切成就欲愛已盡二成就三  
不成就下分中欲愛未盡苦未知智未生一切成就  
若欲愛未盡苦未知智生四成就一不成就欲愛已  
盡苦未知智未生三成就二不成就若欲愛已盡苦  
未知智生二成就三不成就見中苦未知智未生一  
切成就苦未知智生三成就二不成就身愛中欲愛  
未盡一切成就欲愛已盡梵天愛未盡四成就二不  
成就梵天愛盡一成就五不成就使中欲愛未盡一  
切成就欲愛已盡五成就二不成就結中欲愛未盡

一切成就欲愛已盡六成就三不成就九十八使中  
欲愛未盡苦法智未生一切成就苦法智生苦未知  
智未生欲界苦諦所斷不成就餘殘成就苦未知智  
生習法智未生三界苦諦所斷不成就餘殘成就習  
法智生習未知智未生三界苦諦所斷不成就及欲  
界習諦所斷餘殘成就習未知智生盡法智未生三  
界苦習所斷不成就餘殘成就盡法智生盡未知智  
未生三界苦諦習諦所斷不成就及欲界盡諦所斷  
餘殘成就盡未知智生道法智未生三界苦諦習諦  
盡諦所斷不成就及欲界道諦所斷餘殘成就欲愛

已盡色愛未盡苦未知智未生欲界一切不成就餘  
殘成就苦未知智生習未知智未生欲界一切不成  
就及色界苦諦所斷餘殘成就習未知智生盡未知  
智未生欲界一切不成就及色界苦諦習諦所斷餘  
殘成就盡未知智生欲界一切不成就及色界苦諦  
習諦盡諦所斷餘殘成就色愛已盡無色愛未盡苦  
未知智未生欲色界一切不成就餘殘成就苦未知  
智生習未知智未生欲色界一切不成就及無色界  
苦諦所斷餘殘成就習未知智生盡未知智未生欲  
色界一切不成就及無色界苦諦習諦所斷餘殘成

就盡未知智生欲色界一切不成就及無色界苦諦  
習諦盡諦所斷餘殘成就堅法亦如是信解脫人此  
三結幾成就幾不成就答曰一切不成就貪瞋恚愚  
癡欲愛未盡一切成就欲愛已盡一切不成就有漏  
中欲愛未盡一切成就欲愛已盡二成就一不成就  
流中欲愛未盡三成就一不成就欲愛已盡二成就  
二不成就梔柁亦如是愛中欲愛未盡二成就二不成  
就欲愛已盡一成就三不成就縛中欲愛未盡二成  
就二不成就欲愛已盡一切不成就蓋中欲愛未盡  
四成就一不成就欲愛已盡一切不成就結中欲愛

未盡一切成就欲愛已盡二成就三不成就下分中  
欲愛未盡二成就三不成就欲愛已盡一切不成就  
見不成就身愛中欲愛未盡一切成就欲愛已盡梵  
天愛未盡四成就二不成就梵天愛盡一成就五不  
成就使中欲愛未盡五成就二不成就欲愛已盡三  
成就四不成就結中欲愛未盡六成就三不成就欲  
愛已盡三成就六不成就九十八使中欲愛未盡十  
成就八十八不成就欲愛已盡色愛未盡六成就九  
十二不成就色愛已盡無色愛未盡三成就九十五  
不成就見到亦復如是身證人此三結幾成就幾不

成就答曰一切不成就貪瞋恚愚癡不成就有漏中  
二成就一不成就流中二成就二不成就梘亦如是  
受中一成就三不成就縛不成就蓋不成就結中二  
成就三不成就下分不成就見不成就身愛中一成  
就五不成就使中三成就四不成就結中三成就六  
不成就九十八使中三成就九十五不成就門竟  
身見彼身見幾緣緣答曰或四三二一誰四答曰如  
身見次第生身見卽思惟前生後生因次第緣增上  
是謂四誰三答曰如身見次第生身見卽彼不思惟  
前生後生因次第增上無緣如身見次第生若干心

生身見卽彼思惟前生後生因緣增上無次第是謂  
三誰二答曰如身見次第生若干心生身見卽彼不  
思惟前生後生因增上是謂二誰一答曰後生前生  
若與緣緣增上不與緣一增上未來過去現在若與  
緣緣增上不與緣一增上未來現在過去若與緣緣  
增上不與緣一增上欲界繫色界繫一增上色界繫  
欲界繫若與次第次第增上不與次第一增上欲界  
繫無色界繫一增上無色界繫欲界繫若與次第次  
第增上不與次第一增上色界繫無色界繫一增上  
無色界繫色界繫若與次第次第增上不與次第一

增上如身見身見如是不一切遍不一切遍一切遍  
一切遍身見戒盜有幾緣緣答曰或四三二一誰四  
答曰如身見次第生戒盜卽彼思惟前生後生因次  
第緣增上是謂四誰三答曰如身見次第生戒盜卽  
彼不思惟前生後生因次第增上無緣如身見次第  
生若干心生戒盜彼卽思惟前生後生因緣增上無  
次第是謂二誰二答曰如身見次第生若干心生戒  
盜卽彼不思惟前生後生因增上是謂二誰一答曰  
後生前生若與緣緣增上不與緣一增上未來過去  
現在若與緣緣增上不與緣一增上未來現在過去

若與緣緣增上不與緣一增上欲界繫色界繫一增  
上色界繫欲界繫若與次第無緣次第增上若與緣  
無次第緣增上若與次第緣次第緣增上若不與次  
第緣一增上欲界繫無色界繫一增上無色界繫欲  
界繫若與次第無緣次第增上若與緣無次第緣增  
上若與次第緣次第緣增上若不與次第緣一增上  
色界繫無色界繫一增上無色界繫色界繫若與次  
第無緣次第增上若與緣無次第緣增上若與次第  
緣次第緣增上若不與次第緣一增上如身見戒盜  
如是不一切遍一切遍一切遍不一切遍阿毗曇不

善品第九竟

梵本六百三首  
盧長十四字

阿毗曇八捷度論卷第四

延

十造

符秦罽賓三藏僧伽提婆其志彌合譯

若使捷度第二之二

吳居士葉紹明捐貲刻此

阿毗曇八捷度論卷第四 計字七千一百八  
十二箇 該銀三兩五錢九分一厘 浮山  
釋在定對 上元千從龍書江寧朱應秀刻  
崇禎辛巳孟秋月吳江接待寺識

崇南辛出孟州八與山對許寺端  
 十二箇 結難三兩五難水合一里 采山  
 阿毗曇入修學記卷四 精字少千六百八  
 侯口出士業密理世貴陵地  
 君不與次銀絲一增上

阿毗曇入修學記卷四  

 第一增上無色界繫一增上無色界繫色界繫若與次  
 第二增上若與緣無次第緣增上若與次第  
 第三增上如身見戒盜  
 第四增上

阿毗曇入健度論卷第五

迦 旃 延 子 造

符秦罽負三藏僧伽提婆若瑟禰念譯

結使健度第二之二

一行跋渠第二

一行歷六小七七大七攝鉤鎖有由何定滅結使諸道

斷知八人

九結愛結瞋恚結憍慢結無明結見結失願結疑結  
 慳結嫉結若身中愛結繫彼有瞋恚耶若有瞋恚結  
 繫復有愛結耶若身中有愛結繫有憍慢結無明結

見結失願結疑結慳結嫉結復有耶若有嫉結繫復  
 有愛結耶身中乃至慳結繫復有嫉結耶設有嫉結  
 復有慳結耶一行若身中過去愛結繫未來復有耶  
 若有未來過去復有耶一若有過去現在復有耶若  
 有現在過去復有耶二若有未來現在復有耶若有  
 現在未來復有耶三若有過去未來現在復有耶若  
 有未來現在過去復有耶四若有未來過去現在復  
 有耶若有過去現在未來復有耶五若有現在過去  
 未來復有耶若有過去未來現在復有耶六乃至慳  
 嫉亦復如是歷六竟若身中有過去愛結繫過去瞋恚

結復有耶若有過去瞋恚結過去愛結復有耶一若  
 身中有過去愛結繫未來復有瞋恚結耶若有未來  
 瞋恚結過去復有愛結耶二若身中有過去愛結繫  
 現在復有瞋恚結耶若有現在瞋恚結過去復有愛  
 結耶三若身中有過去愛結繫過去現在復有瞋恚  
 結耶若有過去現在瞋恚結過去復有愛結耶四若  
 身中有過去愛結繫未來現在復有瞋恚結耶若有  
 未來現在瞋恚結過去復有愛結耶五若身中有過  
 去愛結繫過去未來復有瞋恚結耶若有過去未來  
 瞋恚結過去復有愛結耶六若身中有過去愛結繫

過去未來現在復有瞋恚結耶若有過去未來現在  
 瞋恚結過去復有愛結耶七事過去愛過去瞋恚過  
 去憍慢一未來二現在三過去現在四未來現在五  
 過去未來六過去未來現在憍慢七乃至慳嫉亦復  
 如是大七身見幾使所攝戒盜疑乃至無色界思惟  
 所斷無明幾使所攝攝門三結二不善根三結為攝  
 三不善根二不善根為攝三結三結乃至九十八使  
 三結為攝九十八使九十八使為攝三結乃至九結  
 九十八使為九結攝九十八使九十八使為攝九結  
頭門此三結幾受欲有幾受色有幾受無色有此乃

至九十八使幾受欲有幾受色無色有有門身見由  
 何三昧盡三昧盜疑乃至無色界思惟所斷無明使由  
 何三昧盡門若結過去彼結已繫耶若彼結已繫  
 彼過去結耶若結未來彼結當繫耶若彼結當繫未  
 來結耶若結現在今繫彼結耶若今繫彼結彼結現  
 在耶三世結若以道滅欲界結於彼道退得彼結繫  
 不得彼結繫若以道滅色無色界結於彼道退得彼  
 結繫不得彼結繫道退  
 九斷智欲界中苦諦習諦所斷結盡一斷智色無色  
 界苦諦習諦所斷結盡二斷智欲界盡諦所斷結盡

三斷智色無色界盡諦所斷結盡四斷智欲界道諦  
所斷結盡五斷智色無色界道諦所斷結盡六斷智  
五下分結盡七斷智色愛盡八斷智一切結盡九斷  
智九斷智爲攝一切斷智一切斷智爲攝九斷智入  
入趣須陀洹證得須陀洹趣斯陀含證得斯陀含趣  
阿那含證得阿那含趣阿羅漢證得阿羅漢向須陀  
洹證須陀洹於九斷智成就幾斷智不成就幾斷智  
乃至向阿羅漢證阿羅漢於九斷智成就幾斷智不  
成就幾斷智此章義願具演說九結愛結瞋恚結憍  
慢結無明結見結失願結疑結慳結嫉結身中有愛

結繫復有瞋恚結耶答曰如是若有瞋恚結則有愛  
結頗有愛結無瞋恚結耶答曰有若色無色界法愛  
結未盡若身中有愛結繫復有憍慢耶答曰如是若  
有憍慢復有愛結耶答曰如是若身中有愛結繫有  
無明結耶答曰如有是有愛結則有無明結也頗有無  
明無愛結耶答曰有苦智生習智未生若苦諦所斷  
法中習諦所斷無明結未盡若身中有愛結繫復有  
見結耶答曰或有愛無有見也云何有愛無有見耶  
答曰習智已生盡智未生若盡諦道諦所斷見不相  
應法愛結未盡若思惟所斷法愛結未盡盡智已生

道智未生若道諦所斷見不相應法愛結未盡若思惟所斷法愛結未盡見諦成就世尊弟子思惟所斷法愛結未盡是謂愛非見云何見非愛答曰苦智已生習智未生苦諦所斷法習諦所斷見結未盡是謂見非愛云何二俱繫答曰人身體肢節盡繫若四諦思惟所斷法二俱繫苦智已生習智未生若習盡道諦思惟所斷法二俱繫習智已生盡智未生盡諦道諦所斷見相應法二俱繫盡智已生道智未生道諦所斷見相應法二俱繫是謂身中二俱繫云何身中二俱不繫耶答曰習智已生盡智未生苦諦習諦所

斷法二俱不繫盡智已生道智未生苦習盡諦所斷法二俱不繫見諦成就世尊弟子四諦所斷法二俱不繫欲愛已盡於欲界法二俱不繫色無色愛盡色無色界法二俱不繫是謂身二俱不繫疑亦如是若身中有愛結繫復有失願耶答曰或有愛無失願云何有愛無失願耶答曰習智已生盡智未生思惟所斷法愛結未盡盡智已生道智未生思惟所斷法愛結未盡見諦成就世尊弟子若思惟所斷法愛結未盡是謂愛無失願云何有失願無愛答曰苦智已生習智未生若苦諦所斷法習諦所斷失願結未盡是

謂失願無愛云何身二俱繫答曰人身體肢節盡縛  
四諦思惟所斷法二俱繫苦智已生習智未生若習  
盡道諦思惟所斷法二俱繫習智已生盡智未生盡  
諦道諦所斷法二俱繫盡智已生道智未生若道諦  
所斷法二俱繫是謂二俱繫云何二俱不繫答曰習  
智已生盡智未生苦諦習諦所斷法二俱不繫盡智  
已生道智未生苦習盡諦所斷法二俱不繫見諦成  
就世尊弟子四諦所斷法二俱不繫欲愛盡於欲界  
法二俱不繫色無色界愛盡色無色界法二俱不繫  
是謂身二俱不繫若身中愛結繫復有慳結耶答曰

如是有慳則有愛也頗有愛無慳耶答曰有欲界四  
諦所斷法愛結未盡乃至色無色界法愛結未盡嫉  
亦如是愛門 憍慢門亦如是若身中有瞋恚結繫復  
有憍慢結耶答曰如是有瞋恚結繫則有憍慢結也  
頗有憍慢無瞋恚耶答曰有色無色界法憍慢結未  
盡若身中有瞋恚結繫有無明結耶答曰如是有瞋  
恚則有無明也頗有無明無瞋恚耶答曰有欲愛未  
盡苦智已生習智未生欲界中苦諦所斷法習諦所  
斷無明結未盡若色無色界法無明結未盡若身中  
有瞋恚結繫有見結耶答曰或有瞋恚無見云何瞋

論  
二則安入極廣言卷五  
六  
采五  
恚無見答曰欲愛未盡習智已生盡智未生欲界中  
盡諦所斷道諦所斷見不相應法瞋恚結未盡欲界  
中思惟所斷法瞋恚結未盡盡智已生道智未生欲  
界中道諦所斷見不相應法瞋恚結未盡欲界中思  
惟所斷法瞋恚結未盡見諦成就世尊弟子欲愛未  
盡欲界思惟所斷法瞋恚結未盡是謂瞋恚無見也  
云何見無瞋恚答曰欲愛未盡苦智已生習智未生  
欲界中苦諦所斷法習諦所斷見結未盡色無色界  
法見結未盡是謂見無瞋恚云何身二俱繫答曰人  
身體肢節盡縛欲界中四諦思惟所斷法二俱繫欲

愛未盡苦智已生習智未生欲界中習盡道諦思惟  
所斷法二俱繫習智已生盡智未生欲界中盡道  
諦所斷見相應法二俱繫盡智已生道智未生欲界  
中道諦所斷見相應法二俱繫是謂身二俱繫云何  
身二俱不繫答曰習智已生盡智未生苦諦習諦所  
斷法二俱不繫色無色界思惟所斷法二俱不繫盡  
智已生道智未生苦習盡諦所斷法二俱不繫色無  
色界思惟所斷法二俱不繫見諦成就世尊弟子四  
諦所斷法二俱不繫欲愛已盡欲界法二俱不繫色  
無色界愛盡色無色界法二俱不繫是謂身二俱不

繫疑亦如是若身中有瞋恚結繫復有失願耶答曰  
或有瞋恚無失願也云何有瞋恚無失願答曰欲愛  
未盡習智已生盡智未生欲界思惟所斷法瞋恚未  
盡盡智已生道智未生欲界思惟所斷法瞋恚未盡  
見諦成就世尊弟子欲愛未盡欲界思惟所斷法瞋  
恚未盡是謂有瞋恚無失願云何有失願無瞋恚答  
曰欲愛未盡苦智已生習智未生欲界苦諦所斷法  
習諦所斷失願未盡色無色界法失願未盡是謂失  
願無瞋恚云何二俱繫答曰人身體肢節盡縛欲界  
四諦思惟所斷法二俱繫欲愛未盡苦智已生習智

未生欲界習盡道諦思惟所斷法二俱繫習智已生  
盡智未生欲界盡諦道諦所斷法二俱繫盡智已生  
道智未生欲界道諦所斷法二俱繫是謂身二俱繫  
云何身二俱解脫答曰習智已生盡智未生苦諦習  
諦所斷法二俱解脫色無色界思惟所斷法二俱解  
脫盡智已生道智未生苦諦習諦盡諦所斷法二俱  
解脫色無色界思惟所斷法二俱解脫見諦成就世  
尊弟子四諦所斷法二俱解脫色無色界思惟所斷  
法二俱解脫欲愛已盡欲界法二俱解脫色無色愛  
盡色無色界法二俱解脫是謂身二俱解脫若身中

有瞋恚結繫有慳結耶答曰如是有慳結則有瞋恚結頗有瞋恚結無慳耶答曰有欲界四諦所斷法瞋恚未盡嫉結亦如是瞋恚若竟身中有無明結繫有見結耶答曰如是有見則有無明也頗有無明無見耶答曰習智已生盡智未生盡諦道諦所斷見不相应法無明結未盡盡智已生道斷法無明結未盡思惟所斷法無明結未盡盡智已生道斷法無明結未盡見諦成就世尊弟子思惟所斷法無明結未盡思惟所斷法無明結未盡疑亦如是若身中有無明結繫有失願結耶答曰如是有失願則有無明也頗有無明無失

願耶答曰有習智已生盡智未生思惟所斷法無明結未盡盡智已生道智未生思惟所斷法無明結未盡見諦成就世尊弟子思惟所斷法無明結未盡若身中有無明結繫有慳結耶答曰如是有慳結則有無明也頗有無明無慳耶答曰有欲界四諦所斷法無明結未盡色無色界法無明結未盡嫉亦如是門癡身中有見結繫有失願耶答曰如是有見結則有失願也頗有失願無見耶答曰有習智已生盡智未生盡諦道諦所斷見不相应法失願未盡盡智已生道智未生道諦所斷見不相应法失願未盡若身中

有見結繫有疑結耶答曰或有見無疑也云何有見  
無疑耶答曰習智已生盡智未生盡諦道諦所斷見  
相應法見結未盡盡智已生道智未生道諦所斷見  
相應法見結未盡是謂見無疑也云何有疑無見耶  
答曰習智已生盡智未生盡諦道諦所斷疑相應法  
疑結未盡盡智已生道智未生道諦所斷疑相應法  
疑結未盡是謂疑無見也云何身二俱繫答曰人身  
體肢節盡縛四諦思惟所斷法二俱繫苦智已生習  
智未生習盡道諦思惟所斷法二俱繫是謂身二俱  
繫云何身二俱解脫答曰習智已生盡智未生苦諦

習諦所斷法二俱解脫盡諦道諦所斷見疑不相應  
法二俱解脫思惟所斷法二俱解脫盡智已生道智  
未生苦諦習諦盡諦所斷法二俱解脫道諦所斷見  
疑不相應法二俱解脫思惟所斷法二俱解脫見諦  
成就世尊弟子四諦所斷法二俱解脫欲愛已盡欲  
界法二俱解脫色無色愛盡色無色界法二俱解脫  
是謂身二俱解脫若身中有見結繫有怪結耶答曰  
或有見無怪云何有見無怪耶答曰欲界四諦所斷  
法見結未盡色無色界法見結未盡是謂見無怪云  
何有怪非見答曰欲愛未盡習智已生盡智未生欲

界思惟所斷法慳結未盡盡智已生道智未生欲  
界思惟所斷法慳結未盡見諦成就世尊弟子欲愛  
未盡欲界思惟所斷法慳結未盡是謂慳非見云何  
身二俱繫答曰人身體肢節盡縛欲界思惟所斷法  
二俱繫欲愛未盡苦智已生習智未生欲界思惟所  
斷法二俱繫是謂二俱繫云何二俱解脫答曰習智  
已生盡智未生苦習諦所斷法二俱解脫盡道諦所  
斷見不相應法二俱解脫色無色界思惟所斷法二  
俱解脫盡智已生道智未生苦習盡諦所斷法二俱  
解脫道諦所斷見不相應法二俱解脫色無色界思

惟所斷法二俱解脫見諦成就世尊弟子四諦所斷  
法二俱解脫色無色界思惟所斷法二俱解脫欲愛  
已盡欲界法二俱解脫色無色愛盡色無色界法二  
俱解脫是謂二俱解脫嫉亦如是第五見苦門  
竟歷四也身中  
有失願結繫有疑結耶答曰如有疑結則有失願  
也頗有失願無疑耶答曰有習智已生盡智未生盡  
諦道諦所斷疑不相应法失願結未盡盡智已生道  
智未生道諦所斷疑不相应法失願結未盡若身中  
有失願結繫有慳結耶答曰或有失願無慳云何有  
失願無慳耶答曰欲界四諦所斷法失願結未盡色

無色界法失願結未盡是謂有失願無慳云何有慳  
無失願耶答曰欲愛未盡習智已生盡智未生欲界  
思惟所斷法慳結未盡盡智已生道智未生欲界思  
惟所斷法慳結未盡見諦成就世尊弟子欲愛未盡  
欲界思惟所斷法慳結未盡是謂慳無失願云何二  
俱繫答曰人身體肢節盡縛欲界思惟所斷法二俱  
繫欲愛未盡苦智已生習智未生欲界思惟所斷法  
二俱繫是謂身二俱繫云何二俱解脫答曰習智已  
生盡智未生苦習諦所斷法二俱解脫色無色界思  
惟所斷法二俱解脫盡智已生道智未生苦習盡諦

所斷法二俱解脫色無色界思惟所斷法二俱解脫  
見諦成就世尊弟子四諦所斷法二俱解脫色無色  
界思惟所斷法二俱解脫欲愛已盡欲界法二俱解  
脫色無色界愛盡色無色界法二俱解脫是謂二俱  
解脫嫉亦如是第六失願苦  
門歷三也身中有疑結繫有慳結  
耶答曰或有疑無慳云何有疑無慳耶答曰欲界四  
諦所斷法疑結未盡色無色界法疑結未盡是謂有  
疑無慳云何有慳無疑答曰欲愛未盡習智已生盡  
智未生欲界思惟所斷法慳結未盡盡智已生道智  
未生欲界思惟所斷法慳結未盡見諦成就世尊弟

子欲愛未盡欲界思惟所斷法怪結未盡是謂有怪無疑也云何二俱繫答曰人身體肢節盡縛欲界思惟所斷法二俱繫欲愛未盡苦智已生習智未生欲界思惟所斷法二俱繫是謂二俱繫云何二俱解脫答曰習智已生盡智未生苦諦習諦所斷法二俱解脫盡諦道諦所斷疑不相應法二俱解脫色無色界思惟所斷法二俱解脫盡智已生道智未生苦諦習諦盡諦所斷法二俱解脫道諦所斷疑不相應法二俱解脫色無色界思惟所斷法二俱解脫見諦成就世尊弟子四諦所斷法二俱解脫色無色界思惟所

斷法二俱解脫欲愛已盡欲界法二俱解脫色無色界愛盡色無色界法二俱解脫是謂二俱解脫嫉亦如是第七疑若門竟身中有怪結繫有嫉結耶答曰如是若有嫉有怪結耶答曰如是一行竟歷六道也

身中有過去愛結繫有未來耶答曰如是設有未來有過去耶答曰本與未盡則繫若本不與本與已盡則不繫若有過去有現在耶答曰若現在前設現在有過去耶答曰若本與不盡則繫若本不與本與已盡則不繫若有未來有現在耶答曰若現在前設有現在有未來耶答曰如是若有過去有未來現在耶

論  
可止  
三  
五

答曰未來則繫現在若現在前設有未來現在有過  
去耶答曰若本興未盡則繫若本不興與者已盡則  
不繫若有未來有過去現在耶答曰或有未來無過  
去現在或有未來及過去無現在或有未來及現在  
無過去或有未來過去現在云何有未來無過去現  
在耶答曰若身中有愛結未盡若本不興本興已盡  
不現在前是謂未來無過去現在云何未來及過去  
無現在耶答曰若身中本興愛結未盡又此身愛結  
不現在前是謂未來及過去無現在云何未來及現  
在無過去耶答曰身中有愛結現在前若本不興與

者已盡是謂未來及現在無過去云何未來及過去  
現在耶答曰身中愛結本興未盡又此身愛結現在  
前是謂未來及過去現在設有過去現在有未來耶  
答曰如是若有現在有過去未來耶答曰未來則繫  
過去若本興未盡則繫若本不興與者已盡則不繫  
設有過去未來有現在耶答曰若現在前愛歷瞋恚  
憍慢慳嫉亦復如是身中有過去無明結繫有未來  
耶答曰如是設有未來有過去耶答曰如是若有過  
去有現在耶答曰若現在前設有現在有過去耶答  
曰如是設有未來有現在耶答曰若現在前設有現

論

阿彌陀佛

三

五

論

阿彌陀佛

三

五

在 有 未 來 耶 答 曰 如 是 若 有 過 去 有 未 來 現 在 耶 答  
曰 未 來 則 繫 現 在 若 現 在 前 設 有 未 來 現 在 有 過 去  
耶 答 曰 如 是 若 有 未 來 有 過 去 現 在 耶 答 曰 過 去 則  
繫 現 在 若 現 在 前 設 有 過 去 現 在 有 未 來 耶 答 曰 如  
是 若 有 現 在 有 過 去 未 來 耶 答 曰 如 是 設 有 過 去 未  
來 有 現 在 耶 答 曰 若 現 在 前 無 明 歷 見 失 願 疑 亦 復  
如 是 歷 六 竟 也 身 中 有 過 去 愛 結 繫 有 過 去 瞋 恚 結 耶 答  
曰 若 本 興 未 盡 則 繫 若 本 不 興 興 者 已 盡 則 不 繫 設  
有 過 去 瞋 恚 結 有 過 去 愛 結 耶 答 曰 若 本 興 未 盡 則  
繫 若 前 不 興 興 者 已 盡 則 不 繫 身 中 有 過 去 愛 結 繫

有 未 來 瞋 恚 結 耶 答 曰 若 未 盡 設 有 未 來 瞋 恚 結 有  
過 去 愛 結 耶 答 曰 若 前 興 未 盡 則 繫 若 前 不 興 興 者  
已 盡 則 不 繫 身 中 有 過 去 愛 結 繫 有 現 在 瞋 恚 結 耶  
答 曰 若 現 在 前 設 有 現 在 瞋 恚 結 有 過 去 愛 結 耶 答  
曰 若 前 興 未 盡 則 繫 若 前 不 興 興 者 已 盡 則 不 繫 身  
中 有 過 去 愛 結 繫 有 過 去 現 在 瞋 恚 結 耶 答 曰 或 有  
過 去 愛 結 無 過 去 現 在 瞋 恚 結 或 有 過 去 愛 結 及 過  
去 瞋 恚 結 無 現 在 或 有 過 去 愛 結 及 現 在 瞋 恚 結 無  
過 去 或 有 過 去 愛 結 及 過 去 現 在 瞋 恚 結 云 何 身 中  
有 過 去 愛 結 無 過 去 現 在 瞋 恚 結 耶 答 曰 身 中 愛 結

論  
前與未盡又此身中前不與瞋恚結若前與便盡不  
現在前是謂身過去愛結繫無過去現在瞋恚結云  
何身中過去愛結繫及過去瞋恚結無現在耶答曰  
身中愛結瞋恚結前與未盡又此身中瞋恚結不現  
在前是謂身過去愛結繫及過去瞋恚結無現在云  
何身中過去愛結繫及現在瞋恚結無過去耶答曰  
身中愛結前與未盡又此身中瞋恚結現在前若本  
不與與者已盡是謂身過去愛結繫及現在瞋恚結  
無過去云何身過去愛結繫及過去現在瞋恚結耶  
答曰若身中愛結瞋恚結前與不盡又此身中瞋恚

結現在前是謂身過去愛結繫及過去現在瞋恚結  
也設有過去現在瞋恚結有過去愛結耶答曰若本  
與愛結未盡則繫若前不與與者已盡則不繫身中  
有過去愛結繫有未來現在瞋恚結耶答曰或有過  
去愛結繫無有未來現在瞋恚結也或有過去愛結  
繫及未來瞋恚結無現在或有過去愛結繫及未來  
現在瞋恚結云何身有過去愛結繫無未來現在瞋  
恚結耶答曰色無色界法前與愛結未盡是謂身過  
去愛結繫無未來現在瞋恚結云何身過去愛結繫  
及未來瞋恚結無現在耶答曰身中前與愛結未盡

又此身中瞋恚結未盡不現在前是謂身過去愛結  
繫及未來瞋恚結無現在云何身過去愛結繫及未  
來現在瞋恚結耶答曰身中前興愛結未盡又此身  
中瞋恚結現在前是謂身過去愛結繫及未來現在  
瞋恚結也設有未來現在瞋恚結有過去愛結乎答  
曰若本興未盡則繫若本不興興者已盡則不繫身  
中有過去愛結繫有過去未來瞋恚結乎答曰或有  
過去愛結繫無過去未來瞋恚結或有過去愛結繫  
及未來瞋恚結無過去或有過去愛結繫及過去未  
來瞋恚結云何身有過去愛結繫無過去未來瞋恚

結耶答曰色無色界法前興愛結未盡是謂身過去  
愛結繫無過去未來瞋恚結云何身過去愛結繫及  
未來瞋恚結無過去答曰身中前興愛結未盡又此  
身中瞋恚結未盡若本不興興者已滅是謂身過去  
愛結繫及未來瞋恚結無過去云何身過去愛結繫  
及過去未來瞋恚結耶答曰身中愛結瞋恚結前興  
未盡是謂身過去愛結繫及過去未來瞋恚結設有  
過去未來瞋恚結有過去愛結乎答曰若本興未盡  
則繫若前不興興者已盡則不繫

阿毗曇八捷度論卷第五

論

阿毗曇八捷度論卷五

七

彩五

吳居士葉紹顯捐貲刻此

阿毗曇八健度論卷第五 計字六百五十九

十六箇 該銀三兩二錢九分八厘

釋在定對

崇禎辛巳孟秋月吳江接符詩識

# 阿毗曇八健度論卷第六

迦旃旃延子造

符秦罽賓三藏僧伽提婆甚益佛念譯

結使健度第二之三

一行跋渠第二之餘

身中有過去愛結繫有過去未來現在瞋恚結乎答  
曰或有過去愛結繫無過去未來現在瞋恚結或有  
過去愛結繫及未來瞋恚結無過去現在或有過去  
愛結繫及過去未來瞋恚結無現在或有過去愛結  
繫及未來現在瞋恚結無過去或有過去愛結繫及

過去未來現在瞋恚結云何身有過去愛結繫無過  
去未來現在瞋恚結乎答曰色無色界法前與愛結  
未盡是謂身過去愛結繫無過去未來現在瞋恚結  
云何身過去愛結繫及未來瞋恚結無過去現在瞋  
恚結乎答曰身中前與愛結未盡又此身中瞋恚結  
未盡若前不興與者已盡不現在前是謂身過去愛  
結繫及未來瞋恚結無過去現在云何身有過去愛  
結繫及過去未來瞋恚結無現在乎答曰身中愛結  
瞋恚結前與未盡又此身中瞋恚結不現在前是謂  
身過去愛結繫及過去未來瞋恚結無現在云何身

過去愛結繫及未來現在瞋恚結無過去乎答曰身  
中前與愛結未盡又此身中瞋恚結現在前若前不  
興與者已盡是謂身過去愛結繫及未來現在瞋恚  
結無過去云何身有過去愛結繫及過去未來現在  
瞋恚結乎答曰身中愛結瞋恚結前與未盡又此身  
中瞋恚結現在前是謂身過去愛結繫及過去未來  
現在瞋恚結設有過去未來現在瞋恚結有過去愛  
結乎答曰若前與未盡則繫若本不興與者已盡則  
不繫愛門七  
事竟慳嫉亦如是身中有過去愛結繫復有  
過去憍慢結耶答曰若前與未盡則繫若前不興與

者已盡則不繫設有過去僑慢結有過去愛結乎答曰若前興未盡則繫若前不興與者已盡則不繫身中有過去愛結繫復有未來僑慢結乎答曰如是設有未來僑慢結復有過去愛結乎答曰若前興未盡則繫若前不興與者已盡則不繫身中有過去愛結繫復有現在僑慢結乎答曰若現在前設有現在僑慢結復有過去愛結乎答曰若前興未盡則繫若前不興與者已盡則不繫身中有過去愛結繫有過去現在僑慢結乎答曰或有過去愛結無過去現在僑慢結或有過去愛結及過去僑慢無現在或有過去

愛結繫及現在僑慢無過去或有過去愛結及過去現在僑慢云何身中有過去愛結繫無過去現在僑慢乎答曰身中前興愛結未盡又此身中不興僑慢若前不興與者已盡不現在前是謂身過去愛結繫無過去現在僑慢云何身有過去愛結繫及過去僑慢無現在答曰身中愛結僑慢結前興未盡又此身中僑慢結不現在前是謂身過去愛結繫及過去僑慢結無現在云何身有過去愛結繫及現在僑慢無過去乎答曰身中前興愛結未盡又此身中僑慢結現在前若本不興與者已盡是謂身過去愛結繫及

現在僑慢無過去云何身有過去愛結繫及過去現在僑慢乎答曰身中愛結僑慢結前與未盡又此身中僑慢結現在前是謂身過去愛結繫及過去現在僑慢設有過去現在僑慢結有過去愛結乎答曰若前與未盡則繫若不與與者已盡則不繫身中有過去愛結繫有未來現在僑慢結乎答曰未來則繫現在若現在前設有未來現在僑慢結有過去愛結乎答曰若前與未盡則繫若不與與者已盡則不繫身中有過去愛結繫有過去未來僑慢結乎答曰未來則繫過去若本與未盡則繫若前不與與者已

盡則不繫設有過去未來僑慢有過去愛結耶答曰若前與未盡則繫若前未與與者已盡則不繫身中有過去愛結繫有過去未來現在僑慢結耶答曰或有過去愛結及未來僑慢無過去現在或有過去愛結及未來結及過去未來僑慢無現在或有過去愛結及未來現在僑慢無過去或有過去愛結及過去未來現在僑慢也云何有過去愛結及未來僑慢無過去現在答曰身中前與愛結僑慢未盡又此身中僑慢結若前不與與者已盡又此身中僑慢不現在前是謂過去愛結繫及未來僑慢無過去現在云何過去愛結

繫及過去未來僑慢無現在乎答曰身中前與愛結  
僑慢未盡又此身中僑慢不現在前是謂過去愛結  
及過去未來僑慢無現在也云何有過去愛結及未  
來現在僑慢無過去乎答曰身中前與愛結未盡又  
此身中僑慢結現在前又此身中本不與僑慢興者  
已盡是謂過去愛結及未來現在僑慢無過去云何  
有過去愛結及過去未來現在僑慢乎答曰身中前  
與愛結僑慢未盡又此身中僑慢現在前是謂過去  
愛結及過去未來現在僑慢設有過去未來現在僑  
慢有過去愛結乎答曰若本與未盡則繫若本不與

興者已盡則不繫

僑慢竟也

身中有過去愛結繫有過去

無明結乎答曰如是設有過去無明結有過去愛結  
乎答曰若本與未盡則繫若本不與興者已盡則不  
繫身中有過去愛結繫有未來無明結乎答曰如是  
設有未來無明結有過去愛結乎答曰若本與未盡  
則繫若本不與興者已盡則不繫身中有過去愛結  
繫有現在無明結乎答曰若現在前設有現在無明  
結有過去愛結乎答曰若前與未盡則繫若前未與  
興者已盡則不繫身中有過去愛結繫有過去現在  
無明結乎答曰過去則繫現在若現在前設有過去

現在無明結有過去愛結耶答曰若前興不盡則繫若前不興興者已盡則不繫身中有過去愛結繫有未來現在無明結乎答曰未來則繫現在若現在前設有未來現在無明結有過去愛結耶答曰若前興未盡則繫若前不興興者已盡則不繫身中有過去愛結繫有過去未來無明結耶答曰如是設有過去未來無明結有過去愛結耶答曰若本興未盡則繫若前不興興者已盡則不繫身中有過去愛結繫有過去未來現在無明結耶答曰過去未來則繫現在若現在前設有過去未來現在無明結有過去愛結

論

無明身集序

五

卷六

耶答曰若本興未盡則繫若前不興興者已盡則不繫無明身中有過去愛結繫有過去見結耶答曰若不盡設有過去見結有過去愛結耶答曰若本興不盡則繫若前未興興者已盡則不繫身中有過去愛結繫有未來見結耶答曰若不盡設有未來見結有過去愛結耶答曰若本興未盡則繫若前不興興者已盡則不繫身中有過去愛結繫有現在見結耶答曰若現在前設有現在見結有過去愛結耶答曰若本興未盡則繫若前未興興者已盡則不繫身中有過去愛結繫有過去現在見結耶答曰或有過去愛

論

可止覺人集序

六

卷六

結無過去現在見結或有過去愛結及過去見結無  
現在或有過去愛結及過去現在見結云何有過去  
愛結無過去現在見結耶答曰身中愛結前與未盡  
又彼身中見結盡是謂過去愛結無過去現在見結  
云何有過去愛結及過去見結無現在耶答曰身中  
愛結前與未盡又彼身中見結未盡不現在前是謂  
過去愛結及過去見結無現在也云何有過去愛結  
及過去現在見結耶答曰身中前與愛結未盡又彼  
身中見結現在前是謂過去愛結及過去現在見結  
設有過去現在見結有過去愛結耶答曰若本與未

盡則繫若前未與與者已盡則不繫身中有過去愛  
結繫有未來現在見結耶答曰或有過去愛結無未  
來現在見結或有過去愛結繫及未來見結無現在  
也或有過去愛結及未來現在見結云何有過去愛  
結無未來現在見結耶答曰前與愛結未盡又彼身  
中見結盡是謂過去愛結繫無未來現在見結云何  
有過去愛結及未來見結無現在耶答曰身中前與  
愛結未盡又此身中見結未盡亦不現在前是謂過  
去愛結繫及未來見結無現在也云何身中過去愛  
結繫及未來現在見結答曰身中前與愛結未盡又

此身中見結現在前是謂身中過去愛結繫及未來  
現在見結設有未來現在見結有過去愛結耶答曰  
若本與未盡則繫若前未與興者已盡則不繫身中  
有過去愛結繫有過去未來見結耶答曰若不盡設  
有過去未來見結有過去愛結耶答曰若本與未盡  
則繫若前未與興者已盡則不繫身中有過去愛結  
繫有過去未來現在見結耶答曰或有過去愛結繫  
無過去未來現在見結或有過去愛結繫及過去未  
來見結無現在或有過去愛結繫及過去未來現在  
見結也云何身中有過去愛結繫無過去未來現在

見結耶答曰身中愛結本與未盡又此身中見結盡  
是謂身中過去愛結繫無過去未來現在見結也云  
何身中有過去愛結繫及過去未來見結無現在耶  
答曰前與愛結未盡又彼身中見結未盡不現在前  
是謂身中過去愛結繫及過去未來見結無現在也  
云何身中有過去愛結繫及過去未來現在見結耶  
答曰身中愛結本與未盡又彼身中見結現在前是  
謂身中過去愛結繫及過去未來現在見結也設有  
過去未來現在見結繫有過去愛結耶答曰若本與  
未盡則繫若本未與興者已盡則不繫

見七失願疑  
畢竟

亦復如是竟小七過去愛過去瞋恚過去憍慢一未來  
 二現在三過去現在四未來現在五過去未來六過  
 去未來現在憍慢七乃至慳嫉亦復如是竟大七身見  
 三使而相受入戒盜六疑十二貪五瞋恚五愚癡四  
 一使少有所入五有漏中欲漏三十一有漏五十二  
 無明漏十五流中欲流十九有流二十八無明流十  
 五見流三十六軌亦如是受中欲受二十四戒受六  
 見受三十我受三十八縛中欲愛身縛五瞋恚身縛  
 五戒盜身縛六我見身縛十二蓋中貪欲五瞋恚五  
 睡眠掉悔不與眾使而相受入疑蓋四結中瞋恚結

五愛結憍慢結各十五慳結嫉結不與諸結而相受  
 入下分中貪欲五瞋恚五身見三戒盜六疑十二見  
 中身見邊見各三邪見見盜各十二戒盜六身愛中  
 鼻更愛舌更愛一使少相受入眼更耳更身更愛二  
 使少相受入意更愛十三使而相受入二使少有所  
 入使中貪欲使五瞋恚使五有愛使十憍慢使無明  
 使各十五見使三十六疑使十二結中瞋恚結五愛  
 結憍慢結無明結各十五見結失願結各十八疑結  
 十二慳結嫉結不與諸結而相受入九十八使中欲  
 界身見欲界身見而相受入欲界戒盜疑乃至無色

界思惟所斷無明使無色界思惟所斷無明使而相

受人相攝門竟

三結三不善根二結為受入三不善根三不善根為受入三結答曰各各不相受入三結三有漏三結受入二漏少分二漏少分受入三結也餘殘各各不相受入三結四流三結受入三流少分三流少分受入三結也餘殘各各不相受入軌亦如是三結四受一結受入一受二結受入三受少分三受少分受入二結餘殘各各不相受入三結四縛為二結受入四縛耶答曰或結非縛云何結非縛答曰二結是謂結非

縛云何縛非結答曰三縛是謂縛非結云何結縛答

曰一結是謂結縛云何非結非縛答曰除上爾所事

三結五蓋一結少分受入一蓋一蓋受入一結少分

餘殘各各不相受入二結五結為二結受入五結五

結受入三結答曰各各不相受入三結五下分結為

三結受入五下分結五下分結受入三結答曰五三

非三五非受入何等答曰貪欲瞋恚三結五見為三

結受入五見耶答曰或結非見云何結非見答曰一

結是謂結非見云何見非結答曰三見是謂見非結

云何是結見答曰二結是謂結見云何非結非見答

曰除上爾所事三結六身愛爲三結受入六身愛爲  
六身愛受入三結答曰各各不相受入三結七使一  
結受入一使二結受入一使少分一使少分受入二  
結餘殘各各不相受入三結九結一結受入一結二  
結受入二結少分二結少分受入二結餘殘各各不  
相受入三結九十八使三結爲受入二十一使二十  
一使受入三結餘殘各各不相受入乃至九結九十  
八使爲九結受入九十八使九十八使爲受入九結  
答曰九九十八非九十八九不受入何等答曰慳嫉  
也鉤鎖門竟此三結幾受欲有幾色有無色有答曰一切

少有所入欲有所入色有所入無色有所入貪瞋恚  
愚癡及欲漏受欲有所入有漏所入色有所入無色  
有所入餘殘所入欲有所入色有所入無色有所入  
流中欲流受欲有有流所入色有所入無色有所入  
餘殘所入欲有所入色無色有所入軛亦如是受中  
欲受受欲有我受所入色無色有所入餘殘所入欲  
有所入色無色有所入縛中欲受身縛瞋恚身縛受  
欲有餘殘所入欲有所入色無色有所入蓋及瞋恚  
慳嫉受欲有餘殘所入欲有所入色無色有所入下  
分中貪欲瞋恚受欲有餘殘及見所入欲有所入色

無色有所入愛身中鼻更愛舌更愛受欲有眼耳身  
 更愛所入受欲有所入色有所入意更愛所入欲有  
 所入色無色有所入使中貪欲使瞋恚使受欲有有  
 愛使所入色有所入無色有所入餘殘所入欲有所  
 入色無色有所入結中瞋恚結慳結嫉結受欲有餘  
 殘所入欲有所入色無色有所入九十八使三十六  
 使受欲有三十一受色有三十一受無色有有門第  
三竟  
 身見由何三昧滅答曰或依四或依未至戒盜疑或  
 依四或依未至貪欲瞋恚愚癡及欲漏依未至有漏  
 無明漏或依七或依未至流中欲流依未至有流無

明流或依七或依未至見流或依四或依未至輓亦  
 如是受中欲受依未至戒受見受或依四或依未至  
 我受或依七或依未至縛中欲愛身縛瞋恚身縛依  
 未至戒盜身縛我見身縛或依四或依未至蓋及瞋  
 恚慳結嫉結依未至禪六事  
中一也餘殘或依七四禪三  
中一也或  
 依未至下分中貪欲瞋恚依未至餘殘及見或依四  
 或依未至愛身中鼻舌更愛依未至眼耳身更愛或  
 依初或依未至意更愛或依七或依未至使中貪欲  
 使瞋恚使依未至有愛使憍慢使無明使或依七或  
 依未至見使疑使或依四或依未至結中瞋恚結慳

結嫉結依未至愛結憍慢結無明結或依七或依未  
至見結失願結疑結或依四或依未至九十八使中  
欲界依未至色界及無色界四諦所斷或依四或依  
未至無色界思惟所斷或依七或依未至三昧所有  
結過去已爲結所繫耶答曰如是所有結過去已爲  
結所繫也頗已爲結所繫此結不過去耶答曰有諸  
未來現在結所繫所有結未來當爲結所繫耶答曰  
或有未來結不當爲結所繫云何未來結不當爲結  
所繫答曰諸未來結永盡無餘已滅已吐於彼結盡  
定不退是謂未來結不當爲結所繫云何當爲結所

論

阿毗達磨發顯論卷一

三

六

繫此非未來結答曰諸結過去永盡無餘已盡已吐  
於彼結盡定退是謂當爲結所繫此結非未來云何  
結未來當爲結所繫答曰諸未來結永盡無餘已滅  
已吐於彼結盡定退是謂未來結當爲結所繫云何  
非未來結亦不當爲結所繫答曰諸結過去永盡無  
餘已滅已吐於彼結盡定不退及現在結是謂亦非  
未來結亦非當爲結所繫所有結現在今爲結所繫  
耶答曰如是諸現在結今爲結所繫也頗今爲結所  
繫此結非現在耶答曰有諸過去未來結所繫結處  
所可用道斷欲界結於彼道退還爲結所繫不爲結

論

阿毗達磨發顯論卷一

三

六

所繫答曰還為結所繫所以用道斷色無色界結於彼道退還為結所繫不為結所繫耶答曰還為結所繫道退處竟九斷智欲界中苦諦習諦所斷結盡初斷智色無色界苦諦習諦所斷結盡二斷智欲界盡諦所斷結盡三斷智色無色界盡諦所斷結盡四斷智欲界道諦所斷結盡五斷智色無色界道諦所斷結盡六斷智五下分結盡七斷智色愛盡八斷智一切結盡九斷智九斷智為受人一切斷智一切斷智為受人九斷智耶答曰一切九非九一切不受入何等答曰見諦成就世尊弟子欲愛未盡欲界思惟所斷結

盡不受入九斷智三道不得受七斷智名也欲愛已盡色愛未盡

色界思惟所斷結盡不受入九斷智色愛已盡無色

愛未盡無色界思惟所斷結盡不受入九斷智九斷智竟

八人趣須陀洹證得須陀洹趣斯陀舍證得斯陀舍

趣阿那含證得阿那含趣阿羅漢證得阿羅漢趣須

陀洹證者於此九斷智成就幾不成就幾答曰或不

成就或一二三四五云何不成就答曰苦法忍不成

就苦法智不成就苦未知忍不成就苦未知智不成

就習法忍不成就習法智一習未知忍習未知智二

盡法忍盡法智三盡未知忍盡未知智四道法忍道

法智五道未知忍得須陀洹成就六斷智趣斯陀含  
證者於此九斷智成就幾不成就幾答曰若倍欲盡  
越次取證頓得不來或不成就或一二三四五六云  
何不成就答曰苦法忍不成就苦法智不成就苦未  
知忍不成就苦未知智不成就習法忍不成就習法  
智一習未知忍習未知智二盡法忍盡法智二盡未  
知忍盡未知智四道法忍道法智五道未知忍若得  
須陀洹證趣斯陀含果六得斯陀含成就六斷智趣  
阿那含證者於此九斷智成就幾不成就幾答曰若  
欲愛盡越次趣證或不成就或一二三四五六云何

論

阿毗達磨俱舍論卷之六

五

卷之六

不成就答曰苦法忍不成就苦法智不成就苦未知  
忍不成就苦未知智不成就習法忍不成就習法智  
一習未知忍習未知智二盡法忍盡法智二盡未知  
忍盡未知智四道法忍道法智五道未知忍若得斯  
陀含果趣阿那含果六通二得阿那含成就一斷智  
五下分結盡斷智是趣阿羅漢證者於此九斷智成  
就幾不成就幾答曰或一或二色愛未盡成就一斷  
智五下分結盡是色愛已盡成就二斷智五下分結  
盡斷智色愛盡斷智得阿羅漢成就一斷智一切結  
盡斷智

一行跋渠第二竟梵本一千四十首盧

論

阿毗達磨俱舍論卷之六

五

卷之六

阿毗曇入毘度論卷第六

阿毗曇入毘度論卷第六



吳居士葉紹顯捐貲刻此  
阿毗曇入毘度論卷第六 計字五千八百四

十箇

銀二兩九錢二分

浮山釋在定

崇禎辛巳孟秋月吳江接待寺識

子ノ廿六